

Аҳад ҚАҲОМ

МЕНИ ЙИҒЛАТМА, ҲАЁТ!

(шеър ва афоризмлар тўплами)

ТОШКЕНТ – 2013

УЎК: 821.512.133-Ј
КБК: 84(5Ў)7 -
К-33

Қаюм, Аҳад

Мени йиғлатма, ҳаёт! : *(шеърлар ва афоризмлар тўплами)* / А.Қаюм –Т.: DIZAYN-PRESS, 2013. – 112 б.

УЎК: 821.512.133-1
КБК: 84(5Ў)7

Бир шоир айтганидек, ҳаёт деб аталмиш Буюк Устоз кимгадир қанд берса, кимгадир панд беради. Унинг синовларига беғубор кўнглини авайлаб кўтариб юрган ёшларнинг ҳаммаси ҳам чидай олмайди. Айнан, шу тенгдошларига далда бўлиш учун Аҳад Қаюм уларнинг номидан барча дардларни тўкиб солади. Ҳа, бу ҳисси дардларнинг кўпи қадим замондан ҳозирги вақтгача турли шаклда турланиб, тусланиб қоғозларга тушиб келмоқда. Аҳад Қаюм эса ана шу дардни эритадиган, оддий турмуш ташвишидек кўрингани билан тоғлар ҳам кўтаролмайдиган ички кечинмаларни ўзига хос равишда қоғозга туширган, холос. Аслида лирика, шеър шу эмасми?!

Аҳад Қаюмнинг бу китобини ҳам кўпчилик мухлислар интизор бўлиб кутмоқда. Марҳамат, унинг шеърляти билан ошно бўлинг, азиз ёшлар!

Нашрга тайёрловчи: Вали БОБОМУРОД.

Тақризчи: Набижон ҲОШИМОВ – Ўзбекистон Ёзувчилар уюшмасининг аъзоси, адиб.

ISBN 978-9943-20-158-3

© Аҳад Қаюм

© "DIZAYN-PRESS" МЧЖ нашриёти, 2013



БАХТИНГ КАЛИТИНИ ТОПГИН, АЗИЗИМ

Ҳаёт кўчалари бунча тор экан,
Пасту баландига чидаи бор экан.
Тупроқда тиканзор, тоғлар қор экан,
Орзулар ортидан чопгин, азизим,
Бахтинг калитини топгин, азизим.

Япроқ эдим, излаб илдизни топдим,
Дарё бўлиб оқдим, денгизни топдим.
Осмонга тикилиб, юлдузни топдим,
Армонлар эшигин ёпгин, азизим,
Бахтинг калитини топгин, азизим.

Шоқол ҳам ўзини бўриман, дейди,
Қаранглар, ўрмонда зўриман дейди.
Мардлар мақтанишдан нариман, дейди,
Яхшилар изларин ўпгин, азизим,
Бахтинг калитини топгин, азизим.

Севги нима, сеvgи ширин эртақдир,
Кимларга афсона, кимга тилақдир.
Ҳаёт бўлак экан, хаёл бўлакдир,
Жуфтингни излагин қутгин, азизим,
Бахтинг калитини топгин, азизим.

Ота-онанг бахти сенинг бахтингдир,
Ватаннинг тинчлиги сенинг тахтингдир.
Яна нима керак, эй, Аҳад Қаюм,
Мухлисларнинг меҳри, сенинг қадрингдир.
Хотирлаб ажодлар хокин, азизим,
Бахтинг калитини топгин, азизим.

Ҳаёт кўчалари бунча тор экан,
Пасту баландига чидаш бор экан.
Тупроқда тиканзор, тоғлар қор экан,
Орзулар ортидан чопгин, азизим,
Бахтинг калитини топгин, азизим.



ЯҚИН ЎТМИШ

Кимдир ишонади, кимдир эса йўқ,
Ёмон қийналганман ҳаёт йўлида.
Душманларимдан-ку менинг кўнглим тўқ,
Ишончлар йиғлади дўстим кўлида!

Нетай, мен бировга ўхшаёлмасам,
Кимларгадир қараб яшаёлмасам.
Қорани бу оқ деб, йўқни бор қилиб,
Нодонни яхши деб мақтаёлмасам...

Кимдир ишонади, кимдир эса йўқ,
Бахтсиз сарсон ўтди қанча йилларим.
Очлик юпунликда иссиқми, совуқ,
Омадсиздай эди барча йўлларим.

Бир кун жаҳлим чиқди!
Йиғлаб юбордим,
Наҳотки, шунчалар бахтсиз одамман.
Отамдан бир оз пул сўраб ёлвордим,
Наҳотки, шунга ҳам ҳақсиз одамман.

Кимдир ишонади, кимдир эса йўқ,
Икки кунда бир ҳам овқатланмасдан.
Бир кунда иккита китоб ўқирдим,
Жонимни қийнардим, атайлаб, қасддан.

Кунлар ўтар эди шундай судралиб,
Энг арзон ижара уйлардан безиб.
Бир куни бор-ей деб юкларим олиб,
Қишлоғимга қайтдим умидим узиб.

Ота, дедим, энди ҳаммаси тамом,
На шоир, на актёр, на одам бўлдим.
Математик бўлсин, деганди бобом,
Ўзимни бекорга оловга урдим.



Отам менга раҳм қилмай қуйганди,
Ол деди, қўлимга кетмонни тутиб.
Бу роль ўйнаш эмас, қўшиқчиликмас,
Талтайиб кетибсан шаҳарда юриб...

Алам қилиб кетди,
Ичимга ютдим.
Отамнинг нигоҳи дилга санчди ўқ.
Ўша кун даладан шеър ёзиб қайтдим,
Кимдир ишонади, кимдир эса йўқ.

Менга қараб учта синглим йиғларди,
Онам қийналарди ҳолимга қараб.
Мени севган ўша актриса қиз,
Бир бора ортимдан бормади сўраб...

Бирор иш топайлик, дедим бувимга,
Бувим деди: уйлан, ана сенга иш.
Бувимнинг айтганин қилсам бўларкан,
Бувим ўтиб қолди, келмасидан қиш.

Худого таваккал қилдим сўнг яна,
Ҳеч кимнинг гапига қулоқ солмадим.
Бир даста шеъримни қучоқлаб мана,
Ортга қайтдим, сўнг бор синай омадим...

Шеърларим босмади бирор газета,
Эшигин очмади битта нашриёт.
Наҳотки, истеъдод йўқ эди менда,
Шаҳдимни синдирма, эй адабиёт.

Дилдаги гапларим,
Минглаб шеърларим,
Наҳотки, ҳеч кимга керак бўлмаса.
Бир қишлоқдан келган мендай актёр,
Омадин тополмай ночор йигласа.



Умидимни узиб режиссёрлардан,
Таниқли, таниқсиз санъаткорлардан.
Охир яна ортга қайтмоқчи эдим,
Жавоб келиб қолди бастакорлардан.

Бир нечта шеърларим куйга солиниб,
Санъаткорлар ижро эта бошлади.
Исмим халқ ичида тилга олинаиб,
Бошимдан булутлар кета бошлади.

Кўз очиб юмгунча яшин тезликда,
Омад тулпорида кўрдим ўзимни.
Яратган шарманда қилмади, шукр,
Ўзи ёруғ қилди юзимни...

Кимдир ишонади, кимдир эса йўқ,
Ўтмишимдан бугун йиглаб гапирсам.
Ортимга қарасам, юрагимда чўғ,
Рост бўлсин юракдан ўчиб кетган **ҒАМ**.

Кимдир ишонади, кимдир эса йўқ,
Ёш бошимдан ўтди қанча тухматлар.
Қанча ноҳақлигу, қанча номардлик,
Кўнгил синдиришуну, қанча ғурбатлар.

Энди сиз ҳам менга ишонинг, ота,
Сизга ҳасратларим энди айтиш йўқ.
Ватаним деб катта йўлга чиққанман,
Ишонинг, ҳеч қачон ортга қайтиш йўқ...

Кимдир ишонади, кимдир эса йўқ,
Ёмон қийналганман ҳаёт йўлида.
Душманларимдан-ку менинг кўнглим тўқ,
Ишончлар йиглади дўстим кўлида!



ҲАЁТ, МЕНГА ИМКОН БЕР, ҲАЁТ

Ҳаёт, менга имкон бер, ҳаёт,
Тўсиқ қўйма менинг йўлимга.
Кимлигимни этайин исбот,
Ёмон ният йўқдир дилимга!

Ҳаёт, менга имкон бер, ҳаёт,
Мени сотган номард дўстларим.
Сўраб келсин қўлимдан нажот,
Очиб қўяй бир-бир кўзларин.

Ҳаёт, менга имкон бер, ҳаёт,
Ёруғ қилай отамнинг юзин.
Мен онамнинг кўнглин этай шод,
Менга ўзинг ёрдам бер, дўстим.

Ҳаёт, менга ёрдам бер, ҳаёт,
Ахир қатта йўлга чиққанман.
Ярим йўлда тўхташ бу иснод,
Йиглатмагин, мен кимдан камман.

Ҳаёт, менга имкон бер, ҳаёт,
Ҳамроҳ қилгин омад қушини.
Ҳаста руҳим этгил сен озод,
Эгма менинг йигит бошимни.

Учмадим мен зебу зийнатга,
Охир бориб қолмай ғийбатга.
Чидаганман оғир меҳнатга,
Чидаганман ёлғон, тухматга.
Кўниб яшаб келдим қисматга,
Имкон бергин ўзинг Аҳадга!

Ҳаёт, мени қийнама, ҳаёт,
Ярим жоним ўйнама ҳаёт.
Ўзинг асра аёл макридан,
Мени бундай синама ҳаёт!

Ҳаёт, менга имкон бер, ҳаёт,
Йигит умрим увол бўлмасин.
Орзуларим қилмагин барбод,
Душманларим эрта кулмасин.

Эрта бир кун ўлиб кетсам ҳам,
Муз қабримдан отилмай фарёд.
Мен розиман, қанча кутсам ҳам,
Ҳаёт, менга имкон бер, ҳаёт.



ЙИГЛАЙДИ КҮНГЛИМ

Йиглайди хазон кўнглим,
Оҳ, қадри арзон кўнглим.
Ёмонлардан чарчаган,
Бечора сарсон кўнглим.

Топмайин бир меҳрибон,
Эзилиб яшар ҳамон.
Бир чин дўст излар ҳар он,
Менинг бағри қон кўнглим.

Истасам, истамасам,
Дардкашим йўқ дард айтсам.
Ҳеч ким йўқ жойга кетсам,
Сиқилар ёмон кўнглим.

Нега, оҳ, ахир, нега,
Бунчалар жабр менга.
Бегонаман мен сенга,
Тушунмай ҳайрон кўнглим,

Оҳ, синган вайрон кўнглим,
Тугаган яксон кўнглим.
Яхшиларнинг ичидан,
Излайди имкон кўнглим!

Менга керакмас бойлик,
Бўлса бас дўсти содиқ.
Ўз бўйига бир лойиқ,
Излайди инсон кўнглим!

Бургин йўлингни бахтга,
Қўлингни бер Аҳадга.
Ўзидек битта мардга,
Муҳтождир ҳар он кўнглим!



НЕГА, ХИЁНАТ ҚИЛДИНГ?!

Ҳаммаси яхшийди-ку,
Мендан кечмоқчи бўлдинг.
Севгингдан устунми у,
Нега, хиёнат қилдинг?!

Нега, тушунтир нега,
Бунчалик жазо менга.
Кимни қучиб бағрингга,
Нега, хиёнат қилдинг?!

Бор, ўзингни ос энди,
Нафрат менга дўст энди.
Бахтсизлигим рост энди,
Нега, хиёнат қилдинг?!

Бу дард шаклсиз туйғу,
Тунлари келмас уйқу.
Ўлимдан баттар-ку бу,
Нега, хиёнат қилдинг?!

Бир тош ботар кўнглимда,
Кўзёш титрар мунгимда.
Жавоб бер кўз ўнгимда,
Нега, хиёнат қилдинг?!

Хиёнат қилдинг нега,
Қасдинг бормиди менда.
Мен сенга ачинмайман,
Ачинаман қадримга!

Аҳад қалбида тикан,
Дардим ўзимдан улкан.
Бир ит ҳидлаган гулсан,
Нега, хиёнат қилдинг?!

Ҳаммаси яхшийди-ку,
Мендан кечмоқчи бўлдинг.
Тириклай ўлдирдинг-ку,
Нега, хиёнат қилдинг?!



БУ ДУНЁГА БЕГОНА ДИЛМАН!

Мен нега туғилдим, бахтли бўлмасам,
Бир бор севилмасам, бир бор севмасам.
Кулганимни ҳеч ким кўрмас ҳеч қачон,
Осмонлар хўрсинар ўқсиб йиғласам.
Тиканзорда очилган гулман,
Бу дунёга бегона дилман!

Яшашдан чарчадим, ёлғизлик дўстим,
Зулматдан нур излаб тентирар кўзим.
Сени ташлаб кетсам, ранжима, ҳаёт,
Наҳотки, ортимдан қолмаса изим.
Хазонбарглар сочилган йўлман,
Бу дунёга бегона дилман!

Бахтимни қайчилар ёмонлар мени,
Атрофим ўраган ёлғонлар мени.
Балки туғилади қабримда қадрим,
Ўшанда тушунар инсонлар мени.
Саволларим жавобсиз билмам,
Бу дунёга бегона дилман!

Онамга озгина бахт беролмадим,
Отамга озгина бахт беролмадим.
Бошимга ёмгирдек ёғилди тўхмат,
Орзулар шаҳрида мен қололмадим.
Фаришталар юртида ҳурман,
Бу дунёга бегона дилман!

Мени олиб кетгин, илтимос, ё Раб,
Ортиқ яшолмайман, бу дардга чидаб.
Наҳотки, ҳеч кимга керак бўлмасам,
Чарчадим, маъносиз ҳаётда яшаб.
Дард оловда совурилган кулман,
Бу дунёга бегона дилман!

Оллоҳим истагим айласа бажо,
Вужудим ўраса сўнги бир мато.
Бизлар учрашамиз жаннат богида,
Энди кўришмаймиз дўстлар, алвидо.
Мени кутманг, мен қайтиб келмам,
Бу дунёга бегона дилман!



САВОЛ

Омад эшигингни кўп тақиллатдим,
Мен ҳам дўстларингга ўхшагим келди.
Мен ҳам одамлардай яшагим келди,
Нега менинг ҳам ҳеч кулмайди бахтим?

Худо, сендан минг бор илтимос қилдим,
Адаштира мени яратган, Эгам.
Бузилиб кетди-ку бор ҳамма режам,
Нега менинг ҳам ҳеч кулмайди бахтим?

Тақдир, китобингни оч, ўқий, дўстим,
Эзилиб яшашдан тўйиб кетдим-ку.
Сенга ёлғизман деб, ахир, айтдим-ку,
Нега менинг ҳам ҳеч кулмайди бахтим?

Юрак!
Юра-а-а-ак!
Тушун мени, ёмон чарчадим.
Бағримда ўйилиб кетди-ку нафрат,
Жанозам ўқимай кўмди хиёнат,
Нега менинг ҳам ҳеч кулмайди бахтим?

Ота, яшамоқни ўргатинг, дедим,
Онам ожизгина бир аёл бўлса.
Наҳотки, армончоҳ ичида ўлсам,
Нега менинг ҳам ҳеч кулмайди бахтим?

Ҳаёт, саҳнангда роль ўйнолмаяпман.
Ёлғон қайси бири, ҳақиқат қани.
Қандай тегирмонга ташладинг мани,
Умидлар куйини куйлолмаяпман.
Аҳадман, яшашга йўқми ҳеч ҳаққим,
Нега менинг ҳам ҳеч кулмайди бахтим?



ЙИҒЛАЙМАН

Ҳеч ким тушунмаса дилда дардимни,
Йиғлайман, йиғлайман, йиғлайман.
Арзонга сотсалар агар қадримни,
Йиғлайман, йиғлайман, йиғлайман.

Отнинг итларга тиз чўкканин курсам,
Атиргулнинг пинҳон тиканин кўрсам.
Одамийлик ҳақда лаганбардорнинг,
Берилиб насиҳат этганин кўрсам.
Ўғрилар тўғрига устоз сўзи панд,
Ғалаба қозонса, ноҳақлик баланд,
Йиғлайман, йиғлайман, йиғлайман.

Дўстларим хусумат қилганда эмас,
Душманларим туҳмат қилганда эмас.
Жигарларим гийбат қилганда эмас,
Бир зум ижод қилмай қўйсам, йиғлайман,
Дунёдан чарчасам, тўйсам, йиғлайман...

Йиғламайман, ҳатто пулим қолмаса,
Юргани бирорта йўлим қолмаса.
Одамлар манфаат кутмай бир-бирин.
Шунчаки соғиниб эсга олмаса.
Йиғлайман, йиғлайман, йиғлайман.

Ахад Қаюм қалби, дилдафтари дард,
Адабиёт ичра қолмаса бир мард.
Мана шу **САНЪАТ** деб ёлғон яллага,
Сафсатаға қарсак чалиб турса халқ.
Тарих учун нима қолар ўйлайман,
Шеърларим тақдирин ўйлаб йиғлайман.



ЧИДОЛМАДИМ

Туҳмат тоши отишганда чидагандим,
Чин дўстларим сотишганда чидагандим.
Туртиб, босиб ўтишганда чидагандим,
Чидолмадим бевафонинг заҳрига ман,
Тополмадим даво аёл макрига ман.

Шамолларда совурдилар қадримни, оҳ,
Ёлгонларда қовурдилар бағримни, оҳ.
Юрагимни хиёнатлар чарчатган чоғ,
Чидолмадим бевафонинг заҳрига ман,
Тополмадим даво аёл макрига ман.

Қирқ туянинг белларини синдирган пайт,
Бунга бардош беролмаган қирқ мингта мард.
Телба қалбим тирнаб ётар тузалмас дард.
Чидолмадим бевафонинг заҳрига ман,
Тополмадим даво аёл макрига ман.

Илон заҳрин тутган экан тил учида,
Хиёнатин яширганда кулгичида.
Ташлаб кетди Аҳадни у ғам ичида,
Чидолмадим бевафонинг заҳрига ман,
Тополмадим даво аёл макрига ман.

Туҳмат тоши отишганда чидагандим,
Чин дўстларим сотишганда чидагандим.
Туртиб, босиб ўтишганда чидагандим,
Чидолмадим бевафонинг заҳрига ман,
Тополмадим даво аёл макрига ман.



МЕНИ ЙИҒЛАТМА, ҲАЁТ!

Бўғзимда титрар фарёд,
Айт, кимдан сўрай нажот.
Бир қадам қўймай туриб,
Мени йиғлатма, ҳаёт!

Узоқ йўлга чиққанман,
Олисга кўз тикканман.
Худо, деган укангман,
Мени йиғлатма, ҳаёт!

Биров ҳақин емадим,
Нопок йўлдан юрмадим.
Ёмонга қўшилмадим,
Мени йиғлатма, ҳаёт!

Майдонларинг кўп экан,
Ёлгонларинг кўп экан.
Армонларинг кўп экан,
Мени йиғлатма, ҳаёт!

Отамга ёрдам берай,
Онамга ёрдам берай.
Оламга ёрдам берай,
Мени йиғлатма, ҳаёт!

Кел, ҳалол беллашайлик,
Қўлни бер, қўллашайлик.
Одамдай тиллашайлик,
Мени йиғлатма, ҳаёт!

Мен Аҳадман, эркакман,
Шу юрт учун тиргакман.
Ўзинга ҳам керакман,
Мени йиғлатма, ҳаёт!



ОНАМГА ХАТ

Согинганда қайноқ меҳрингиз,
Кўзим тўлар ёшга, онажон.
Мусофирда юрсам дуосиз,
Қўлим бормас ишга, онажон.

Дилим чўккан, юрагим зада,
Билмам содиқ дўсту ёр қайда.
Хувиллаган шундай шаҳарда,
Дард айтайми тошга, онажон.

Санъат йўлмас отарчиларга,
Ўзин арзон сотарчиларга.
Айтинг анов ғийбатчиларга,
Менинг йўлим бошқа, онажон.

Койиманг, сен кимга кетдинг деб,
Кимларнинг йўлини тутдинг деб.
Мени кўп йиғлатдинг деб,
Тортманг дилни гашга, онажон.

Билмайсиз-ку, Аҳад биттадир,
Бир куни ҳаммадан ўтадир.
Ўзи голиб келиб ютадир,
Ишонади бошга, онажон!..

СОҒИНЧ

Кимнидир кутасан, кутасан,
Исмсиз ҳасратни ютасан.
Ўшал онда мени ўйласанг,
Ишон, анча енгил тортасан...



СЕВАМАН ДЕБ АЙТ

Фасли муҳаббатда дил куйлаган пайт,
Юракка ўт ёқиб кел, бағримга қайт.
Ишқинг оташидан сармаст ошиқман,
Севаман деб айт энди, севаман деб айт!

Қалбингдан ўчириб ташла гумонни,
Исмини унутгин энди армонни.
Қўлдан берма, жоним, сўнгги имконни,
Севаман деб айт энди, севаман деб айт!

Шу биргина сўзга жонимни берай,
Дунёларни берай, боримни берай.
Ўлсам ҳам шу сўзни эшитиб ўлай,
Севаман деб айт энди, севаман деб айт!

Кўзларимга қара, дилга қулоқ сол,
Ўзингни азобда қийнама бекор.
Нимани ўйлайсан, бўлгин менга ёр.
Севаман деб айт энди, севаман деб айт!

Бахтингни юракка пинҳона этма,
Аҳадни ортингдан девона этма.
Ҳисларингни ўйнаб овора этма,
Севаман деб айт энди, севаман деб айт!

Фасли муҳаббатда дил куйлаган пайт,
Юракка ўт ёқиб кел, бағримга қайт.
Ишқинг оташидан сармаст ошиқман,
Севаман деб айт энди, севаман деб айт!



ҲАЁЛИ БИР ҚИЗНИ СЕВДИ, БУ ДИЛИМ

Иболи бир қизни севди, бу дилим,
Ҳаёли бир қизни севди, бу дилим.
Дил чеҳраси ёруғ, юзларидан ҳам,
Чиройли бир қизни севди, бу дилим.

Ўзига ярашар нозу қарашлар,
Бесабаб эмасдир кўнгил сўрашлар.
Зимдан сирли-сирли нигоҳин ташлар.
Маъноли бир қизни севди, бу дилим.

Ҳечам парвоси йўқ мендан ўзгага,
Менинг ҳам кўнглим йўқ шундан ўзгага.
Аввал учраганларидан ўзгача,
Вафоли бир қизни севди, бу дилим.

Шайдосиман ўзим парирухсорин,
Найза киприклару қошу қаросин.
Камалакка монанд сочлар жилоси,
Дунёли бир қизни севди, бу дилим.

Энди Аҳад шоир тунлари бедор,
Бедаво дард етган савдойи бемор.
Фақат ўшал ёрнинг висоли хумор,
Ҳаёли бир қизни севди, бу дилим.

2008

КЎРИНГЛАР...

Кўринглар бу телба замонни,
Одамлар унутди армонни.
Ҳаромни ҳам меъёри бор деб,
Инсофлиси бор деб шайтонни.



АЙТ, АЗИЗИМ

Қийналяпман, юрагимни армон тешар,
Йигляяпман, кўзларимдан дарё тошар.
Соғинчларим ҳаётимга дардлар қушар,
Нетай энди, ёлғизликка кўникаман,
Айт, азизим, сени қандай унутаман?

Сен келмасанг боғларимдан баҳор кетар,
Умид сўнган кўзларимдан мадор кетар.
Сени ўйлаб тунларим ҳам бедор ўтар,
Юлдузларга маъқос боқиб ғам ютаман,
Айт, азизим, сени қандай унутаман?

Оҳ, билсайдинг ошиқ дилнинг ноласини,
Ёнаётган аламларнинг наърасини.
Бир келиб кўр ханжарингнинг ярасини,
Жоним чиққан, руҳсиз танам тобутдаман,
Айт, азизим, сени қандай унутаман?

Лахта-лахта қонлар оқар жигаримдан,
Сенинг исминг тушмас бир зум лабларимдан.
Еру фалак дод соляпти ғамларимдан,
Кўнгил уйин хотиранг-ла ёритаман,
Айт, азизим, сени қандай унутаман?

Осмонимда йўқдир қора қаргалар,
Йўқдур менда сеникидек нагмаларим.
Ўйлаб юрма, ичимда ҳам қарғамадим,
Мен ажримни ошиқлардек жим кутаман,
Айт, азизим, сени қандай унутаман?

Муҳаббатинг кўмдим ишқинг мозорида,
Аҳад шоир, дарғеш ҳижрон бозорида.
Куйлар энди вафосизлар озорида,
Охиратда кўз олдиндан бир ўтаман,
Айт, азизим, сени қандай унутаман?



САВОЛИМ БОР

Сенга бир саволим бор, ҳаёт,
Не учун ёмонни сийлайсан?
Остонасин этмайин обод,
Яхшига нега кун бермайсан?

Сенга бир саволим бор, ўлим,
Нима учун одам танлайсан?
Билиб олмай одамнинг хилин,
Яхшига нега кун бермайсан?

Сенга бир саволим бор, кўнгил,
Нега йўқ нарсани хоҳлайсан?
Ярим тунда мени азоблаб,
Керак пайтда нега ухлайсан?

Сенга бир саволим бор, севги,
Тўғри йўлни нега билмайсан?
Севгилимга учратиб қўйиб,
Нега бизни бахтли қилмайсан?

Сенга бир саволим бор, эй дўст,
Нега тилинг билан юрасан?
Ўша тилинг бошингни ейди,
Шошмай турсанг, ҳали кўрасан.

Сенга бир саволим бор, дунё,
Нега Аҳадни тушунмайсан?
Сенга ёрдам бермоқчи, ахир,
Нега унга сен ишонмайсан?

Нега жавоб бермайсан. Худо...

ЭЙ, ҲАЁТ

Эй ҳаёт, бахтинг эмас,
Дардларинг бунча кўпдир.

Эй ҳаёт, юрагим дарз —
Дарсларинг бунча кўпдир.

Эй ҳаёт, мен билмасман,
Ким дўстиму, ким душман.

Йўқ, ношукур эмасман,
Шартларинг бунча кўпдир.

Эй ҳаёт, сен жумбоқсан,
Қиморбозсан, фирромсан.
Пишмаган савдо, хомсан —
Нархларинг бунча кўпдир.

Бўй чўзсам осмонларга,
Оёгим зиндонларда.
Йўл очдинг шайтонларга,
Пастларинг бунча кўпдир.

Бунча кўпдир — эй ҳаёт,
Ўзим бўлай деган зот.
Аҳадни тушунмасдан, дод —
Мастларинг бунча кўпдир.

ШУҚР

Яхшими, ёмонми, оғир кунимда,
Оғирми, енгилми, тақдир йўлимда.
Дўстларим ёнимда бўлдингиз, шукр,
Ёлғиз қўймадингиз тутиб қўлимдан.

Сизга раҳмат дейман, мен бош эгаман,
Буни эсламайин, ахир нега ман.
Мен роҳат оламан сизга дил тўкиб,
Юрган изингизга мен гул тўкаман...



ВАСЛИНГ УМИДИДА...

Адашган бахтимсан излайман ҳар он,
Кўзларим йўлингда соғиндим ёмон.
Гарчи мени бир бор ўйламасанг ҳам,
Васлинг умидида яшайман ҳамон.

Дардларим давосин Худодан сўраб,
Ширин хаёлларнинг сочларин силаб.
Кунларни ойларга, йилларга улаб,
Васлинг умидида яшайман ҳамон.

Кўнгил харитасин йўқ-да тиллари,
Йўқ-са, адашмасди умрим йўллари.
Жонимни маст айлар умид гуллади,
Васлинг умидида яшайман ҳамон.

Ҳижрон кўйлагининг енглари қондир,
Яна ўзимга қайт, бағримни ёндир.
Нафасим изтироб, ишқим дostonдир,
Васлинг умидида яшайман ҳамон.

Баъзилар таним соғ, шунга шукр. дер.
Ҳаётнинг ҳар дами тотли, сурур. дер.
Эй Аҳд, севмоқлик нима зарур. дер,
Васлинг умидида яшайман ҳамон.

Адашган бахтимсан излайман ҳар он,
Кўзларим йўлингда соғиндим ёмон.
Гарчи мени бир бор ўйламасанг ҳам,
Васлинг умидида яшайман ҳамон.



УМИДСИЗ СЕВГИМ

Ҳар лаҳзада сени келади кўргим,
Тушимда талпиниб ёнингга боргум.
Ёлғизман, беморман муҳаббатингсиз,
Юрак багрим тирнар умидсиз севгим.

Биламан, сезаман, менда кўнглинг йўқ,
Бахтим деб ишонган ёрим бўлгинг йўқ.
Ўзингни қизғониб менга бергинг йўқ,
Ўксиб-ўксиб йиғлар умидсиз севгим.

Дунё бир синовдир азобдир ҳаёт,
Умрбод армонда яшайман наҳот.
Қайтишинг кутаман нажот йўқ, нажот,
Куйган жоним қийнар умидсиз севгим.

Нима қилай, кўнглим, кўзим бор, севдим,
Суйганимга бориб сен ҳам сев, дедим.
Юрагимни тутиб бошимни эгдим,
Бунча кўксим тиглар умидсиз севгим.

Хаёлларим гўё жонсиз капалак,
Қаноти сарғайган қонсиз капалак.
Кўзчалар мунгли ожиз капалак,
Елкамда жим ухлар умидсиз севгим.

Эй Аҳад, кўклаги моҳ сенга сирдош,
Дўстинг сабр бўлсин, ҳамлардинг бардош.
Худди ёш боладек кўзга олиб ёш,
Энди дилни доғлар умидсиз севгим.

2008



АЙТ, ЭЙ ҲАЁТ?

Айт, эй ҳаёт, сенга битта саволим бордир,
Нима учун ёмонлармас, яхшилар хордир?

Айт, эй ҳаёт, бу дунё бунчалар бешафқат,
Нима учун фақат мени қийнайсан фақат?

Айт, эй ҳаёт, қачон тўлар ярим кўнгиллар,
Айт, эй ҳаёт, бу кўзларим айт қачон кулар?
Айт, эй ҳаёт, нега жимсан айт нега жимсан,
Дўст қариндош бир-бирининг йўлини тўсса?

Айт, эй ҳаёт, даво борми бу дардларимга,

Айт, эй ҳаёт, шафқат қилгансан ўзи кимга?

Айт, эй ҳаёт, айт қаерда бахтнинг манзили,

Айт, эй ҳаёт, наҳот қадр ипи узилди?

Айт, эй ҳаёт, наҳот кўнгил қасри бузилди,
Узилдими оқибатнинг олтин занжири?

Айт, эй ҳаёт, эрларда йўқми эрлик дарси,
Қизлардан кетдими шарму ҳаё дарси?

Айт, эй ҳаёт, қай йўлларда сотилди виждон,

Айт, эй ҳаёт, қай мозорда кўмилди имон?

Айт, эй ҳаёт, нега қадрин билмайди инсон,

Инсонга ўз фикрин доим ўтказар шайтон?

Айт, эй ҳаёт, қачон тўхтар ноҳақ кўзёшлар,
Соф дилларга ботаверар доим ғам тошлар?

Айт, эй ҳаёт, саволим жавобсиз қолмасин,

Айт, эй ҳаёт, ҳеч кимнинг бахти сўлмасин?

Айт, эй ҳаёт, бахтсизга қачон бахт кулади,

Омадлилар қачон бахтнинг қадрин биледи?

Айт, эй ҳаёт, устозлардан қарзларим қанча,

Айт, эй ҳаёт, юрак тирнар азоблар ханжар?

Айт, эй ҳаёт, ғамдеворлар қачон бузилгай,
Қачонгача кўзёшларим оқиб тизилгай?

Айт, эй ҳаёт, Аҳад Қаюм сўрайди сендан,

Айт, эй ҳаёт, дунё сирин яширма мендан?!



ЎЙЛАМОВДИМ

Ҳаёт захрин ичаман, деб ўйламовдим,
Бахтларимдан кечаман, деб ўйламовдим.
Ҳеч хаёлга келмаганди қаро кунлар,
Шу аҳволга тушаман, деб ўйламовдим.

Ўйламовдим, ярим йўлда йиқилишни,
Шифокор дер: камайтиринг сиқилишни.
Истамайман тириклайн кўмилишни,
Шу аҳволга тушаман, деб ўйламовдим.

Тоғдай огир юкдан огир елкаларим,
Ноҳақликдан ярим жоним тилкаладим.
Нега билмай кул остидан чўг кавладим,
Шу аҳволга тушаман, деб ўйламовдим.

Ўйламовдим, дўсти сотқин учрашини,
Ўйламовдим севгим мендан ажрашини.
Кутган эдим ҳаёт богим яшнашини,
Шу аҳволга тушаман, деб ўйламовдим.

Ўйлар эдим, йўлимдаги гулжамоллар,
Бўйларимни бўйларига тенг баҳолар.
Билмам, душман мендан бунча нима хоҳлар,
Шу аҳволга тушаман, деб ўйламовдим.

Ёшлиқ қилма, деб айтарди устозларим,
Ўша пайтлар қайда эди бу кўзларим.
Тингланг, дўстлар, Аҳад Қаюм дил сўзларин,
Шу аҳволга тушаман деб ўйламовдим.

Ҳаёт захрин ичаман деб, ўйламовдим,
Бахтларимдан кечаман, деб ўйламовдим.
Ҳеч хаёлга келмаганди қаро кунлар,
Шу аҳволга тушаман, деб ўйламовдим.



СЕВИШНИ БИЛИШ КЕРАК

Муҳаббат гўзал эртақ,
Ишққа ташна бу юрак.
Кўнгил бермоқдан аввал,
Севишни билиш керак.

Бир кўрдиму ёндим деб,
Қалбимга ишондим деб.
Охири қолманг куйиб,
Севишни билиш керак.

Дўстлик бошқа, ишқ бошқа,
Куй бошқа, қўшиқ бошқа.
Нодонлик, ёшлик бошқа,
Севишни билиш керак.

Ваъдани лоф урманглар,
Шамолдан уй қурманглар.
Кейин йиғлаб юрманглар,
Севишни билиш керак.

Учрагани жоним, деб,
Сенсан ёлғиз ёрим, деб.
Кетма-кет пандларин еб,
Севишни билиш керак.

Ўйлаб, дилим оғрийдир,
Айтсам, тилим оғрийдир.
Ҳислар бу илоҳийдир,
Севишни билиш керак.

Аҳад шоир дарди бу,
Кўнгилдаги гарди бу.
Минг йил кутган сатри бу,
Севишни билиш керак.



АЛВИДО ДЕР

Осмонимни тарк айлади оққушларим,
Бугун сенга балки сўнгги боқишларим.
Бағринга бос, тингла кўнгил хонишларим,
Алвидо дер, алвидо дер, суйган юрак,
Бир бевафо жафосидан куйган юрак.

Оғир экан хиёнатнинг қийноқлари,
Ёлгон экан лабларингнинг титроқлари.
Ёмон экан кўзёшларнинг сўроқлари,
Алвидо дер, алвидо дер, суйган юрак,
Бир бевафо жафосидан куйган юрак.

Бахтим мани, мен йўқотган бахтим мани,
Яшамоққа тугамоқда шаҳдим мани.
Туғилмайин ўлганмиди аҳдинг сани,
Алвидо дер, алвидо дер, суйган юрак,
Бир бевафо жафосидан куйган юрак.

Кўзларимни чирт юмаман тилни тишлаб,
Хаёлимда кўринасан музга ўхшаб.
Айт, нимага эришасан бундай яшаб,
Алвидо дер, алвидо дер, суйган юрак,
Бир бевафо жафосидан куйган юрак.

Сени ўйлаб, Аҳад умри ёнар энди,
Сен учраган барча йўлдан тонар энди.
Нима қилсин, ёлғизликка кўнар энди,
Алвидо дер, алвидо дер, суйган юрак,
Бир бевафо жафосидан куйган юрак...

2008



ОТА

Юрагимда ўчмас дарзим кўп, ота,
Бажаришим лозим фарзим кўп, ота.
Падар ҳаққин узмоқ ҳукми Аллоҳдир,
Сизнинг олдингизда қарзим кўп, ота.

Ҳормадим омаднинг кетидан қувиб,
Не кўрдим бевафо бир қизни севиб.
Пойингизга келдим, дунёдан совиб,
Сизнинг олдингизда қарзим кўп, ота.

Дўстим яхшилигин бозорга солди,
Мени тириклайин мозорга солди.
Ҳамма керак-керак ҳаққини олди,
Сизнинг олдингизда қарзим кўп, ота.

Менга давлат эмас, дунё бердингиз,
Умримни ёритиб маъно бердингиз.
Сўнгра ташлаб кетдим, индамадингиз,
Сизнинг олдингизда қарзим кўп, ота.

Онамга айтаман отамни асранг,
Ёлғиз қийналмасин кўнглига қаранг.
Мендан розимикан бир шуни сўранг,
Сизнинг олдингизда қарзим кўп, ота.

Майдоннинг Аҳадга қизиғи йўқдир,
Унга бу ҳаётнинг чизиғи йўқдир.
Фақат сизни ўйлаб юраги чўғдир,
Сизнинг олдингизда қарзим кўп, ота.



ЭРКАК ЙИҒЛАМАСИН!

Берар ҳам Худодир, олар ҳам Худо,
Эркак йиғламасин давлат кетса ҳам.
Ҳеч кимса бўлмасин бахтидан жудо,
Эркак йиғламасин, омад кетса ҳам!

Берганда шукр қил, олганда сабр,
Шошилиб ўзингга қазмагин қабр.
Йигитчилик дарсин уқмасдан, ахир,
Эркак йиғламасин, фақат синса ҳам!

Йиқилсанг, устингдан кулади номард,
Аслида айбинг йўқ, биледи номард.
Шошма, ўзи қайтиб келади номард,
Эркак йиғламасин, душман кулса ҳам!

Бошига тушганда ногоҳ қаро кун,
Йўлида учраса бир дўсти сотқин.
Эй ҳаёт, эгмагин ҳеч қачон қаддин,
Эркак йиғламасин, савлат кетса ҳам!

Йигитга не керак, бир чин дўст керак,
Йигитга не керак, ёруғ юз керак.
Мол давлати номус-ори бўлса бут,
Йигитга не керак, бир гулюз керак!

Эй аёл, эркакнинг умрин қил обод,
Эй аёл, эркакнинг этгин қалбин шод.
Эй аёл, бахтини қилмагин барбод,
Эркак йиғламасин, чин бахт кетса ҳам!

Эркак йиғламасин чарчаб кетса ҳам!
Йиғламай бўлмайди тухмат зарбидан.
Йиғламай бўлмайди ҳасад жабридан,
Йиғламай бўлмайди аёл макридан,
Эркак йиғламасин, иззат кетса ҳам!

Бир кун совуқ, бир кун чўғи бор экан,
Турмушнинг бори бор, йўғи бор экан.
Ота деган номин булғаса фарзанд,
Эркак йиғламасин, кулфат келса ҳам!

Йигитнинг парвозда қаноти дўстдир,
Йигитнинг сўнги дам нажоти дўстдир.
Йигитнинг ҳаёти мамоти дўстдир,
Эркак йиғламасин, чин дўст кетса ҳам!

Пул бор жойда билинг, дўст бор, душман бор,
Пул бор жойда билинг, рост бор, ёлғон бор.
Пул бор жойда билинг, нафс бор, шайтон бор,
Эркак йиғламасин, дўст панд берса ҳам!

Бойлик адашмоқлик учунми, айтинг,
Бойлик, ҳатто бахтдан устунми, айтинг.
Бойлик бу ҳаётга мазмунми, айтинг,
Эркак йиғламасин, гийбат бўлса ҳам!

Онасин ҳақорат қилганни кўрдик,
Хотини хиёнат қилганни кўрдик.
Фарзанди жиноят қилганни кўрдик,
Эркак йиғламасин, бу дард келса ҳам!

Йиқилганда қочса қону қариндош,
Эй йигит, синмагин эгиб юрма бош.
Белга белбоғ бўлсин доим сабртош,
Эркак йиғламасин, мадад кетса ҳам!

Кимдир кўролмаса турган жойингни,
Бошинг силаб мўлжалласа пойингни.
Улфат бўлиб оғулатиб чойингни,
Эркак йиғламасин, ким паст кетса ҳам!

Тиллага ўч бўлмоқ аёлнинг касби,
Эр-йигит ҳаромдан қочади асли.
Ўқсинмас йўқотса дуру зар қасрин,
Эркак йиғламасин, зийнат кетса ҳам!

Бахтинг кесмоқ бўлса ичи қоралар,
Сочингга шу ғамдан минг оқ оралар.
Юздан ёшлик қочса дилинг поралар,
Эркак йиғламасин, қувват кетса ҳам!



Бошига минг синов синоат келса,
Кўздан уйқу қочиб ҳаловат кетса.
Ишларинг юришмай бошга дард етса,
Эркак йиғламасин, роҳат кетса ҳам!

Бир манман мақтанса ўртага кириб,
Мендан зўри йўқ деб кўксини кериб.
Камситмоқ бўлса гар сени паст кўриб,
Эркак йиғламасин, кам-кўст бўлса ҳам!

Муҳаббатга атаб кўнгил зорини,
Ишқнинг дунёсига берса борини.
Дил куйиб, йўқотиб қўйса ёрини,
Эркак йиғламасин, гулюз кетса ҳам!

Йигитга не керак, бир чин дўст керак,
Йигитга не керак, ёруғ юз керак.
Мол давлати номус ори бўлса бут,
Йигитга не керак, бир гулюз керак!

Йиғламасин бахти гоҳ чалкаш бўлса,
Ишонган дўстлари майдакаш бўлса.
Ҳеч кимга ишонмай кўнгли ғаш бўлса,
Эркак йиғламасин, ёлғиз қолса ҳам!

Йигитни йўқ қилар ҳаром ўйинлар,
Битта хатойинг ҳам сени йўқ қилар.
Сабр қил бир куни омадинг келар.
Эркак йиғламасин, ожиз бўлса ҳам!

Дардингни берар ҳам, олар ҳам ўзи,
Саргаймасин қарздан ҳеч кимнинг юзи.
Меҳнатдан тўхтама вақт ўзи қози.
Эркак йиғламасин, минг қарз бўлса ҳам!

Қувонма кўчанғда бўлса ҳам байрам,
Байрамнинг ортидан келади мотам.
Йиқилсанг, устингдан кимдир кулса ҳам,
Эркак йиғламасин, ҳеч вақт,
Ўлса ҳам!



Тирноғинг остидан излаб ким иллат,
Қилган яхшилигин қилса ким миннат.
Кечаги қарзинг деб номинг этар паст,
Эркак йиғламасин, ҳурмат кетса ҳам!

Ҳаёт ўйинлардан иборат майдон,
Зўр бўлсанг йўлингга қўйишар қопқон.
Қўрқмагин пойингга чирмашса илон,
Эркак йиғламасин, журъат кетса ҳам!

Дунёда ҳеч кимдан олмагин қасос,
Худого сол, қайтар дунё бордир рост.
Ҳар бир қадамингни доим ўйлаб бос,
Эркак йиғламасин, мансаб кетса ҳам!
Эркак йиғламасин, асаб кетса ҳам!

Сабр қилинг, ўтар йўқчилик келса,
Шукр қилинг, агар тўқчилик келса.
Ўксимасин кимдир қалбин синдирса,
Эркак йиғламасин, ният кетса ҳам!

Ҳаёт, кўп йиғлатдинг Аҳад Қаюмни,
Эшитгин, эй дўстим, дилда орзумни.
Қийнамасин фарзанд доғи ҳеч кимни,
Эркак йиғламасин фарзанд кетса ҳам,
Жигарбанди уни ташлаб кетса ҳам!

Берар ҳам Худодир, олар ҳам Худо,
Эркак йиғламасин, давлат кетса ҳам.
Ҳеч йигит бўлмасин бахтидан жудо,
Эркак йиғламасин, омад кетса ҳам!

ОХИР ЗАМОН

Дема замон шошиб кетяпти,
Кўп ҳаддидан ошиб кетяпти.
Нафсига кўп берилиб инсон,
Дилдан имон қочиб кетяпти.



КЕЛМАДИНГ

Дардларимни деворларга сўйлайман,
Қўшиқларим осмонларга куйлайман.
Гар қайтмасанг, ўзга ёрни ўйлайми,
Маҳзун-маҳзун кунлар кутдим, келмадинг,
Узун-узун тунлар ўтди, келмадинг.

Соғинаман бу умрим қийноқ энди,
Оқшомлари ҳамроҳим фироқ энди.
Ёлғиз қолдим суйганим йироқ энди,
Маҳзун-маҳзун кунлар кутдим, келмадинг,
Узун-узун тунлар ўтди, келмадинг.

Сен келмадинг ҳижрон захрин ичдим ман,
Ойни ўпиб, юлдузларни кучдим ман.
Сени ўйлаб бу дунёдан кечдим ман,
Маҳзун-маҳзун кунлар кутдим, келмадинг,
Узун-узун тунлар ўтди, келмадинг.

Менга қараб дўстларим ҳайрон кулар,
Гуноҳим не, юрагим вайрон бўлар.
Наҳот энди висолинг армон бўлар,
Маҳзун-маҳзун кунлар кутдим, келмадинг,
Узун-узун тунлар ўтди, келмадинг.

Айбим йўқдир, ўзим излаб бормадим,
Эсламадинг мен ҳам эслаб бормадим.
Аҳад дедим таним музлаб бормадим,
Маҳзун-маҳзун кунлар кутдим келмадинг,
Узун-узун тунлар ўтди, келмадинг.





СОҒИНСАМ НЕТАЙ

Ёнгинангда туриб қўлларинг тутай,
Ёнгинангда туриб бахтимга етай.
Ёнгинангда туриб ёниб-ёндирай,
Ёнгинангда туриб соғинсам, нетай.

Сочларинг силасам, қалбинг сўрасам,
Кўзларингга боқиб дардинг сўрасам.
Юлдузга қарасам, ойга қарасам,
Ёнгинангда туриб бу умрим ўтгай.

Етти бор айланиб дайри дунёни,
Ўзинг айт, топарман излаб нимани.
Ҳеч нарса керакмас, топдим-ку сани,
Ёнгинангда туриб васлингга етай.

Сенсиз мен куйлари маҳзун навоман,
Сенсиз мен меҳрга ташна саҳроман.
Сенсиз мен мавжлари тинган дарёман,
Ёнгинангда туриб ҳасратинг ютай.

Сенсиз қайга кетай, кимларни кутай,
Кимга боқиб Аҳдл ошиқ деб атай.
Энг гўзал сатримни сен учун битай,
Ёнгинангда туриб аслимга қайтай.

Ёнгинангда туриб қўлларинг тутай,
Ёнгинангда туриб бахтимга етай.
Ёнгинангда туриб ёниб-ёндирай,
Ёнгинангда туриб соғинсам, нетай...



СЕНДАЙ ҒҶЗАЛ

Бу ҳусну бу латофатинг танҳо сенинг,
Сўзларинг дур, кўзларинг ҳам шаҳло сенинг.
Севмоқ учун яратганми Худо сени,
Таърифингни сигдиrolмас минг бир ғазал,
Юз йилда бир туғилгайми сендай ғўзал!

Сени излаб овораман, овораман,
Сени ўйлаб дилпораман, дилпораман.
Етолмайин бечораман, бечораман,
Таърифингни сигдиrolмас минг бир ғазал,
Юз йилда бир туғилгайми сендай ғўзал!

Синовларинг кўпригидан ўтай, десам,
Озорларинг дарёсида чўкмай, десам.
Сенга келган балоларни ютай, десам,
Таърифингни сигдиrolмас минг бир ғазал,
Юз йилда бир туғилгайми сендай ғўзал!

Дилим яро, юрар йўлим хатоми ё,
Бирлашмайин дилларимиз айроми ё.
Сени кутиб бори умрим қароми ё,
Таърифингни сигдиrolмас минг бир ғазал,
Юз йилда бир туғилгайми сендай ғўзал!

Тингла энди ошиқ Аҳад розларини,
Йиғлаб-йиғлаб чалар энди созларини.
Минг бир достон, эртақ дема сўзларини,
Таърифингни сигдиrolмас минг бир ғазал,
Юз йилда бир туғилгайми сендай ғўзал!



ВАТАН

Ватан нима, ватан бу –
Жондай азиз бир туйғу.
Қайда бўлсанг ҳам кўнглинг –
Ватанда яшар мангу!

Ватан нима, ватан бу –
Сен япроқсан, илдиз у.
Сен осмонсан юлдуз у,
Дарё бўлсанг, илдиз у...

Ватан нима, ватан бу –
Саждагоҳдай маскан бу.
Ҳар туйғудан баланд бу,
Жонингга жон дилбанд бу.

Бир бор ўйлаганмисан,
Қалбинг қийнаганмисан.
Дилдан сўраганмисан,
Ватан нима, **ВАТАН** – бу!

Онам кўзидаги дард,
Отам сўзидаги шарт.
Ватан нима, ватан бу
Болам дилидаги шаҳд!!!

2010

ОҚИЛ ОДАМ...

Доно шоир кутиб-кутиб пайтини,
Битар экан энг сара шоҳ байтини.
Оқил одам, отилмайди мансабга,
Меҳнат қилиб кутар ўз навбатини

2004



ЁЛҒИЗЛИҚДАН ЭЗИЛИБ КЕТДИМ

Соғинчингдан ёниб кетяпман,
Кўзимда ёш, жимирлар этим.
Қайдасан, кел, ҳамон кутяпман,
Ёлғизликдан эзилиб кетдим.

Ҳаётимни мен қандай қурай,
Бу гуноҳни айт, кимдан кўрай.
Бошгинамни айт, қайга урай,
Ёлғизликдан эзилиб кетдим.

Сиқилишдан тамом бўлди жон,
Дарду гамга юрагим нишон.
Ғар келмасанг, ўламан, ишон,
Ёлғизликдан эзилиб кетдим.

Дод, дейман,
Дод, дейман, дод, дейман,
Суйганим ўзимга ёт, дейман.
Севгинга хиёнат қилгунча,
Ўзингни бозорда сот, дейман!...

Ёлғизликдан эзилиб кетдим,
Атрофимда бирорта дўст йўқ.
Бугун кимман, кеча ким эдим,
Юрагимга санчилган бир ўқ.

Юрагимда санчилган бир ўқ.
Жароҳатим яшириб нетдим.
Кўксим ичра ёнмоқда бу чўғ,
Ёлғизликдан эзилиб кетдим.

Тилларида зар ваъдалилар,
Доғ кўксимга тиг қададилар.
Ўлдирдилар ширин сўз билан,
Севаман деб кўп алдадилар.



СЕНИ ЭСЛАСАМ

Дарахтлар йиғлади, ёмгир ёққанда,
Юрагим ухлайди исмингни айтсам.
Аччиқ хотиралар дилни чаққанда,
Дунёга сизмайман, сени эсласам...

Дилимни англаган битта дилдош йўқ,
Ҳасратим тинглаган битта сирдош йўқ.
Сенсиз бу ҳаётим бунчалар совуқ,
Ёлғизман, йиғлайман сени эсласам.

Сени эслайверсам, дилим баҳордир,
Сени эслайверсам, туним наҳордир.
Пешонамга ёзган ўзинг танҳодир,
Келишинг хоҳлайман, сени эслайман.

Ўчгайми дилдаги жароҳатларинг,
Бахтингни куйдирган ҳақоратларинг.
Эслаб ўртанаман хиёнатларинг,
Кўнглимни доғлайман, сени эсласам.

Дарахтлар уйғонар қуёш ботганда,
Оҳ, жоним уйғонар исмингни айтсам.
Ҳижроннинг оғусин сенсиз тотганда,
Қалбимни чўғлайман, сени эсласам.

2010

ЎЗИМ БОЗОР, ЎЗИМ ХАРИДОР

Мен излаган манзил, йўлимда асли,
Мен истаган бахтлар, қўлимда асли.
Не учун қалбингдан севги изладим,
Ўшал чин муҳаббат дилимда асли.

2004



СЕВМАСЛИГИНГ КЕЧ БИЛДИМ

Ёлғонингга дуч бўлдим,
Ваъдаларга ўч бўлдим.
Энди васлинг туш билдим,
Севмаслигинг кеч билдим.

Билдим хаёлинг кимда,
Йиғладим ёлғиз тунда.
Англадим буни шунда,
Севмаслигинг кеч билдим.

Ғам ютиб дардга тўлдим,
Кўзёшимга ювилдим.
Сувсиз сахродек қолдим,
Севмаслигинг кеч билдим.

Кўзларим қайда эди,
Хаёлим ойда эди.
Орзулар сароб кетди,
Севмаслигинг кеч билдим.

Увол кетди муҳаббат,
Севги бўлди манфаат.
Афсусда ўксир Аҳад,
Севмаслигинг кеч билдим.

Ёлғонингга дуч бўлдим,
Ваъдаларга ўч бўлдим.
Энди васлинг туш билдим,
Севмаслигинг кеч билдим.



4 СЕНИ АСЛО КУТМАСМАН

Ёнган дилни ёритмасман,
Дардларидан аритмасман.
Барибир, келсанг-келмасанг,
Сени асло кутмасман.

Ич этимни емирса ғам,
Куксим тирнаб йиғласам ҳам.
Кўзёшларим тугаса ҳам,
Сени асло кутмасман.

Бахтли кунда бирга бўлиб,
Сўнгра кетдинг юзинг буриб.
Кеча гуллаб, бугун қуриб,
Сени асло кутмасман.

Дийдорларни кутганда ҳам,
Дилдорларни кутганда ҳам.
Баҳорларни кутганда ҳам,
Сени асло кутмасман.

Аҳад учун адо эдинг,
Тоҳир эдим, Зухро эдинг.
Қалбингни кимларга бердинг,
Сени асло кутмасман.

2009

БЕМАЪНИ ХАЁЛ

Кутавериб душмандан тошни,
Оғритмагил сен бу соғ бошни.
Ари нишни суқмоқлик учун,
Ҳеч маҳалда кутмайди қишни.

2004



КИМ ҶЙЛАЙДИ БУ ВАТАННИ...

Элнинг асрий дардларини биз сўйламасак,
Ҳасратларин, нолаларин биз куйламасак.
Ўз жонини асрар сотқин ўзга диёрда,
Ким ўйлайди, бу Ватанни биз ўйламасак!

Шу юртнинг нон тузини еб тупурди кимлар,
Оддий халқнинг номидан деб гапирди кимлар.
Бир гов келса, ўз айбини яширди кимлар,
Ким кўтарар, бу Ватанни биз кўтармасак!

Ҳар бир жойнинг ўз тошию тарозиси бор,
Бу ёшларнинг, келажакнинг ўз орзуси бор.
Юрагида киммиз деган бир туйғуси бор,
Ким англайди, бу Ватанни биз англамасак!

Бир кун келиб оғир-енгил кунлар ўтади,
Бу Ватан ҳам манзилига омон етади.
Келажакнинг чўққиларин маҳқам тутуди,
Ким ярайди бу Ватанга биз ярамасак!

Шукр дейман келажакка садоларинг бор,
Яхши-ёмон кунларингда фидоларинг бор.
Жилғалари тоза бўлган дарёларинг бор,
Ким тинглайди, бу Ватанни биз тингламасак!

Бу шавкату шонингга кўз тикканлар қанча,
Дўстингман, деб молингга кўз тикканлар қанча.
Ханжар тутиб жонингга кўз тикканлар қанча,
Ким асрайди, бу Ватанни биз асрамасак!

Устимиздан отлар солиб янчиб кетдилар,
Боболарим қабрин хокин сочиб кетдилар.
Кимсан, деган эди тарих, қочиб кетдилар,
Ким ўнглайди, бу Ватанни биз ўйламасак!

Кимдир сенга қўлин чўзса манфаат билан,
Яхшилиқлар қилмоқ бўлса бир миннат билан.
Ҳар ерларда вайсайверса ҳар иллат билан,
Ким мақтайди, бу Ватанни биз мақтамасак!



Қадринг бордир, ўзингники, тонгларинг ёруғ,
Яхшиларга бахт улашган кунларинг ёруғ.
Юлдузларинг, ойларинг бор тунларинг ёруғ,
Ким кўқарар, бу Ватанда биз кўқармасак!

Ҳар бир кунни, ҳар бир тонгни ганимат билинг,
Тинчликни хотиржамликни бир неъмат билинг.
Истасангиз, инсон зотин бир миллат билинг,
Ким юксалар, бу Ватанда биз юксалмасак!

Жаҳонаро бугун яна ўрнимиз бордир,
Ўзимизнинг байроғимиз гербимиз бордир.
Ҳеч ерда йўқ меҳнатсевар элимиз бордир,
Ким яйрайди, бу Ватанда биз яйрамасак!

Тиклайлик-да бугун яна Темурийларни,
Асли қайдан билсин ҳамма Бобурийларни.
Рухларини шод этайлик Навоийларни,
Ким тиклайди, бу Ватанни биз тикламасак!

"Дилба ёр-у, дастба қор"ни айтгани учун,
Нақшбандий қадри яна қайтгани учун.
Бухорий-у, Термизийлар ётгани учун,
Ким яшайди, бу Ватанда биз яшамасак!

Шу Ватан деб фидо бўлган бағри куюкка,
Жангларида қалқон бўлган кўкси уюққа.
Жалолиддин жони қурбон шундай буюкка,
Ким ўхшайди, бу Ватанда биз ўхшамасак!

Шу юрт ичра номи улуғ азизларинг бор,
Илҳом сиғмас шоирлару ҳофизларинг бор.
Қувват бергин номдору, номсизларинг бор,
Ким куюнар, бу Ватанга биз куюнмасак!

Яхшиларнинг қаторида сафим бўлса гар,
Халқим учун бахтиёрман нафим бўлса гар.
Аҳад толмас хизматингдан умрим бўлса гар,
Ким суянар, бу Ватанга биз суянмасак!



ОНАМНИНГ БАҒРИДА...

Болалик йиллари лаҳзадай ўтди,
Ҳаёт синовлари қулимдан тугди.
Гўё баҳор тугаб, ёз келиб етди,
Ёшлигим эсласам, ёнгайдир дилим,
Онамнинг бағрида беармон эдим.

Кунга тун уланиб ўтар бирма-бир,
Жонга ором бермас беаёв тақдир.
Юрак таскин истаб нажот сўрайдир,
Ғамлар ғирдобиди минг сарсон борим,
Онамнинг бағрида беармон эдим.

Нигоҳларим ўйчан олисга боқар,
Ҳасратларим тинглаб тунларим оқар.
Осмон ҳам ҳолимдан жим маънос тортар,
Мени овутмоққа ожиз ўз кўнглим,
Онамнинг бағрида беармон эдим.

Кимларгадир балким ўткинчи ҳаёт,
Кимлардир яшайди қолдирай деб от.
Қалбида ўт бўлса тирик одамзод,
Менинг дил оҳимни энди тинглар ким,
Онамнинг бағрида беармон эдим.

Баъзан ҳар ёнимни ўрайди савол,
Қалбим ҳам бемаъно ҳисларга ишғол.
Ўзимни алқамай юганда беҳол,
Ёлғизлик жабрини жуда кўп торгдим.
Онамнинг бағрида беармон эдим.

Ўйласам онамни, қон бўлар бағрим,
Соғинч азобидир энг оғир дардим.
Жондан ўтиб алам, тугаса сабрим,
Дилимда бир сўзни минг такрор этдим:
"Онамнинг бағрида беармон эдим."



КЕЧИРОЛМАЙМАН

Кўзимдаги ёшлар қонга ўхшайди,
Сени йўқотганим чинга ўхшайди.
Ҳар учраган одам сенга ўхшайди,
Сен учун ўзимни кечиролмайман.

Кўрқаман, бошқани сеяиб қолишдан,
Яна иккинчи бор куйиб қолишдан.
Не фойда бунақа ўйин қилишдан,
Сен учун ўзимни кечиролмайман.

Фирром ўйин қилдим, севдим-айтмадим,
Дилга қийин қилдим, севдим-қайтмадим.
Келишингиз билдим, аммо кутмадим,
Сен учун ўзимни кечиролмайман.

Дард бўлсин, оғрисин кўзга кўринсин,
Ички дард ёмондир, илдизи куйсин.
Инсон ичда эмас, кўзида севсин,
Сен учун ўзимни кечиролмайман.

Сен ҳам мендан баттар қайсар экансан,
Чўғни ҳам ўйламай босар экансан.
Ўз йўлингни ўзинг тўсар экансан,
Сен учун ўзимни кечиролмайман.

Битта гапни минг йил ёзгандан не наф,
Битта чўғни минг йил босгандан не наф.
Ўз йўлингни ўзинг тўсгандан не наф,
Аҳаднинг тилини кесгандан не наф.
Юрагингда қабр қазгандан не наф,
Кечир, деб кечиқиб келгандан не наф,
Сен учун ўзимни кечиролмайман...



КИМЛАРДИР

Севгининг шартлари оғир бўларкан,
Севгининг дардлари оғир бўларкан.
Бу йўлда кимлардир гирён йиғласа,
Кимлардир ёр қучиб шодон куларкан.

Мени ҳам йўқлади, дўстлар, ишқ фасли,
Сўнг кетди бўзлатиб, вайрон дил қасри.
Армондир юракда энди ёр васли,
О, фироқ дардида умринг сўларкан.

Бош эгдим кўҳна дард остонасида,
Келдим сўнг аламнинг вайронасида.
Фанимим юргандек жоним қасдида,
Хатарлар сояси кўксинг тиларкан.

Ўйлайман, яшамоқ синовми сийлов,
Биров жоним дейди, молим дер биров.
Йигирма ёшимда сочимда қиров,
Билмам умр қачон бахтга тўларкан.

Мудом сен ҳақингда хаёл сураман,
Тушларимда кўзларингни кўраман.
Ёнимга келсанг гар, жоним бераман,
Аҳад ўшал кунни бедор кутаркан.

Севгининг шартлари оғир бўларкан.
Севгининг дардлари оғир бўларкан.
Бу йўлда кимлардир гирён йиғласа,
Кимлардир ёр қучиб шодон куларкан.



МУҲАББАТ НИМА У?

Муҳаббат қайғумас, муҳаббат кулгу,
Муҳаббат уйқумас, муҳаббат туйгу.
Муҳаббат оғумас, муҳаббат орзу,
Муҳаббат нима у, муҳаббат ёғду!

Юракда ўчмасин ишқнинг жилоси,
Аламга кўчмасин ишқнинг жилоси.
Ҳижроннинг тушмасин бошга балоси,
Муҳаббат оташ бу, муҳаббат чўғ бу!

Хаёлимни олди юлдузлар рақси,
Ойдаги доғлар бу, ошиқлар акси.
Жавобин топгандай кўнгиллар баҳси,
Муҳаббат аксингдур, муҳаббат кўзгу!

Мени ром айлади, эй ёр, жамолинг,
Бир зум ором бермас, дилни висолинг.
Билмадим қайладир манзил маконинг,
Муҳаббат сезги бу, муҳаббат севги!

Ҳар нафасда минг бор номинг сўйладим,
Ақлу ҳушим бериб, сени ўйладим.
Сенинг дардинг билан мудом куйладим,
Муҳаббат чолғу бу, муҳаббат мангу!

Мендек билармикан ўзга қадрингни,
Дариг этма жоним, дилдан меҳрингни.
Олислардан сездим соҳир сеҳрингни,
Муҳаббат жодуми, муҳаббат эзгу?

Сени изламайман тоғу тошлардан,
Ахтариб юрмайман кўзда ёшлардан.
Сўрамайман боғда дилгир қушлардан,
Муҳаббат гўзаллик, муҳаббат оху!

Аҳад, бир кун битар дилнинг яраси,
Ўз-ўзидан тинар кўзнинг жоласи.
Кимларгадир етса юрак ноласи,
Муҳаббат кўнгил бу, муҳаббат гул бу!

Муҳаббат қайғумас, муҳаббат кулгу,
Муҳаббат уйқумас, муҳаббат туйгу.
Муҳаббат оғумас, муҳаббат орзу,
Муҳаббат нима у, муҳаббат ёғду!



СЕВГИНИНГ ҚАДРИ

Кечикиб бўлса-да, келса ишқ фасли,
Ким эшик очмаса, хато қилади.
Англаганим, дўстлар, дунёда асли,
Севгининг қадрини севган билади.

Бу гапимдан кимдир ҳайрон бўлади,
Ким севмаган бўлса, зимдан кулади.
Хаёлга чўмганлар севган бўлади,
Севгининг қадрини севган билади.

Муҳаббат ўт ёқса юракка бир бор,
Ҳаловатинг олиб қиларкан бедор.
Жонингни азобда адо қилади,
Бунинг нималигин суйган билади.

Етишмоқ истаган ишқнинг аслига,
Хаёлида кутган ёрнинг васлига.
Аҳаддай ҳажрида куйган билади,
Севгининг қадрини севган билади.

Кечикиб бўлса-да, келса ишқ фасли,
Ким эшик очмаса, хато қилади.
Англаганим, дўстлар, дунёда асли,
Севгининг қадрини севган билади.

2008

ЭҲТИЁТ БЎЛИНГ...

Илон заҳри, ё аёл макри,
Қайси бири баландроқ заҳри.
Бири танга, бири жонга қасд,
Ўлдиради, йўқ зарра фарқи.

2004



ЮРАҚДАН НАРЁҚҚА ЧИҚМАС ОВОЗИМ

Баргларим совурилди дарахтлар ичра,
Бахтларим қоврилди бебахтлар ичра.
Дардларим соғиндим карахтлар ичра,
Хаста, бемор деган олдим лавозим,
Юракдан нарёққа чиқмас овозим.

Соғинчлар кўксимга қамалиб олган,
Ҳасратим ўзига ўралиб олган.
Шеърларим кўшиққа йўналиб олган,
Кўшиқчи шоирдир уятли номим,
Дардсиз кўшиқларим ишқсиз-иснодим.

Жавзо ўхшатилар қора узумга,
Иккитаси мана, сенинг кўзингда.
Хушомад боғлама бунча сўзингга,
Дилимда шайтонлар қилмоқда базм,
Оллоҳим, барига ўзинг бер тўзим.

Қулоғим остида шивирлайди куз,
– Вақт ўтиб кетмоқда ҳаётингни туз.
Ҳаётимда энди йўқдир ўша қиз,
Шундай деб ўзимга ўтказдим таъсир,
Елкамдан тушсин деб йигирма аср.

Баргларим совурилди дарахтлар ичра,
Бахтларим қоврилди бебахтлар ичра.
Дардларим соғиндим карахтлар ичра,
Хаста, бемор деган олдим лавозим,
Юракдан нарёққа чиқмас овозим.



СОҒИНЧ

Бунчалар бесабр бўлмасам,
Кутишни билмаган мен нодон.
Қалбим ёнар агар ухласам,
Хаёлларим ўзимдан чаққон.

Кўз юмдимми сени ёнингга,
Хаёлларим учиб боради.
Қул бўлай деб хоки пойнингга,
Борлиғидан қочиб боради.

Уйғонсам қийнайди хотиранг,
Ухласам, ёлғончи хаёллар...
Асабларим тортилар таранг —
Миямга куй чалар шамоллар.

Ачитади кўзимни пиёз,
Ошхонадан ўчим оламан.
Ва бармоғим тешаман бир оз,
Ўз қонимдан ичиб оламан.

Дардларимни солиб қозонга,
Қайнатаман фикрларимни.
Ва нонушта қилиб азонга,
Тўяман еб ўз шеърларимни.

Кунинг қурсин, шоир, дер қошиқ,
Кўзёшимни дори қиламан.
Аҳад Қаюм — ғалати ошиқ,
Мен сизни ғалати севаман.

Бунчалар бесабр бўлмасам,
Кутишни билмаган мен нодон.
Қалбим ёнар агар ухласам,
Хаёлларим ўзимдан чаққон.



ШАРТ ЭМАС

Мен учун яшашинг шарт эмас.
Мен учун йиғлашинг шарт эмас.
Тунлари қон ютиб фақат мен учун —
Жонингни қийнашинг шарт эмас.

Худога ҳам ҳуш келмас бу иш,
Бу севгимас, оддий қизиқиш.
Керак эмас бунга сиқилиш,
Мажбуран чидашинг шарт эмас.

Шарт эмас ортиқча ғам-ғусса,
Мени унут дейман алқисса.
Хотиралар сени чалғитса,
Кўнгилни тинглашинг шарт эмас.

Кўнгил билан юрак ҳам баъзан,
Ўзмоқ бўлар гоҳо ақлдан.
Буни узинг ўйлаб кўр маънан,
Гулламай сўлишинг шарт эмас...

Мен учун яшашинг шарт эмас,
Мен учун йиғлашинг шарт эмас.
Тунлари қон ютиб фақат мен учун —
Жонингни қийнашинг шарт эмас.

2009

ЗАМОНАВИЙ ШИОР

Яшаш керак, пул топиш керак,
Кўнгил топиб, йўл топиш керак.
Ҳаммасига улгуриш учун,
Ярим қарич тил топиш керак.

2004



ҚАЕРДА ЮРИБСАН, МУҲАББАТ?

Бошимга тушганда мусибат,
Келиб бир қилмадинг мурувват.
Хаста жоним ёлғиз қолдириб –
Қаерда юрибсан, муҳаббат?

Менга қараб зерикдингми ё,
Бир меҳрга зориқдингми ё.
Бахтлиларга энтиқдингми ё,
Қаерда юрибсан, муҳаббат?

Ёки сен ҳам актёрмисан,
Ёлғон бахтдан бахтиёрмисан.
Ёмон роллардан безормисан,
Қаерда юрибсан, муҳаббат?

Тилло қасрларда безакдек,
Бойларнинг қўлида узукдек.
Кимларнинг кўнглида зулукдек,
Қаерда юрибсан, муҳаббат?

Кўзёшга ювилди сочиқлар,
Ғуссага чўмилди ёстиқлар.
Тегирмондек чайнар оғриқлар,
Қаерда юрибсан, муҳаббат?

Севги деб сочларим супурги,
Ёлғонлар совуннинг кўпиги.
Пойимда ҳижроннинг этиги,
Қаерда юрибсан, муҳаббат?

Сенсиз ман ғўзачўп ўтинман,
Кам-кўстсиз навраста етимман.
Кўзим тўрт, йўл пойлаб кутдим ман,
Қаерда юрибсан, муҳаббат?

Не учун билмайсан ўз қадринг,
Биров ўйин қилмасин дардинг.
Бир меҳрга зордир Аҳадинг,
Қаерда юрибсан, муҳаббат?



КЕЧИР

Кечир, сенга дунёларни беролмадим,
Кечир, ёлғиз вафодорим бўлолмадинг.
Кечир, қанча умидларинг увол қилиб,
Кечир, гулим сени бахтли қилолмадим.

Кечир, жоним, асролмадим ваъдаларни,
Кетиб қолдим кўтаролмай зардаларни.
Кўзларингнинг қаролари тушларимда –
Кўзмунчоқдек юрагимда қадаларми?

Кечир мени, бўйнимдадир хатоларим,
Кечир мени, кутганингда боролмадим.
Ўз қалбини тушунмаган бир телбаман,
Кечир, қадринг билолмадим, билолмадим.

Кечир, Аҳад ижодни деб сендан кечди,
Илҳом кутиб қон тулурди, заҳар ичди.
Юртни битта дардига малҳам бўлай деб,
Адабиёт қисматим деб бағрин очди...

Кечир, сенга дунёларни беролмадим,
Кечир, ёлғиз вафодорим бўлолмадинг.
Кечир, қанча умидларинг увол қилиб,
Кечир, гулим сени бахтли қилолмадим.
Кечир...

2009

ДОНОЛАР...

Донолар ўрганиб ҳар бир илмдан,
Қочмоқни не иложин топиб ўлимдан.
Гўрга кираётиб дедиларки сўнг --
Ҳеч нарса келмаскан, афсус, қўлимдан.

2004



СИЗГА ИШОНМАЙМАН

– Сизга ишонмайман –

Тўғри тушунинг...

Лабларинг титрайди, қўлинг қалтирар.

Ярим тун.

Фалакда битта юлдуз йўқ,

Осмонни қоп-қора булут тўлдирар.

– Гуноҳим айтинг!..

Ҳозир кетаман!..

Яна юрагингда умид милтирар.

Ақлимдан, жаҳлимдан нажот кутаман,

Хиёнат ва уят мени ўлдирар.

– Сиз мени умуман севмагансиз-а?!..

Бошингни шубҳаю савол тўлдирар.

Елкамда тарози тошларин ўйнаб,

Иккита фаришта ҳасоб тўлдирар.

– Мақсадингиз борми, яшашдан ўзи?!..

Ғамгин нигоҳларинг масхара қилар...

Бахтли қилолмадим, кечир азизим,

Бахтни тушунмайди менинг кабилар.

– Мен кетдим!..

Кутмовдим сиздан барибир!

Зарб билан эшикни ёпиб кетасан.

Оловнинг ичида қолдириб чиқиб,

Эшикнинг ортида мени кутасан.

– Сизга ишонмайман –

Тўғри тушунинг...

Лабларинг титрайди, қўлинг қалтирар.

Ярим тун.

Фалакда битта юлдуз йўқ,

Осмонни қоп-қора булут тўлдирар.



ТЎХТАМАСИН СЕНИ СЕВИШДАН

Худога ёлвордим, йиғладим,
Сендан ўзга ёрни севмадим.
Бағримга тиг санчиб ўлмадим,
Тўхтаса ҳам юрак уришдан,
Тўхтамасин сени севишдан.

Сенга дедим бахтим, боримни,
Сенга бердим қалбим тўрини.
Сенга бердим кўзим нурини,
Тўхтаса ҳам кўзим кўришдан,
Тўхтамасин сени севишдан.

Қочмадим азобдан, ўлимдан,
Қайтмадим танлаган йўлимдан.
Исминг тушмас асло тилимдан,
Тўхтаса ҳам тилим сўзлашдан,
Тўхтамасин сени севишдан.

Икки қўлим, иккита қанот,
Уча олмай қилмоқда фарёд.
Сенинг севгинг қалбимга нажот,
Тўхтаса ҳам қўлим сезишдан,
Тўхтамасин сени севишдан.

Дунёдан чарчадим, зерикдим,
Фақат ишқ аҳлига энтикдим.
Нима қилай охир кўникдим,
Чарчаса ҳам қалбим яшашдан,
Чарчамасин сени севишдан...

Худога ёлвордим, йиғладим,
Сендан ўзга ёрни севмадим.
Бағримга тиг санчиб ўлмадим,
Тўхтаса ҳам юрак уришдан,
Тўхтамасин сени севишдан.



МЕНИ КУТМА, НИЛУФАР

Бошқадан бахтинг ахтар,
Ҳаётинг қилма заҳар.
Унут энди барчасин,
Мени кутма, Нилуфар.

Баҳорларни кутсанг ҳам,
Алёрларни кутсанг ҳам.
Ағёрларни кутсанг ҳам,
Мени кутма, Нилуфар.

Бекорга алам ютма,
Ўчган гулханни титма.
Майли, севгим унутма,
Мени кутма, Нилуфар.

Юрагимда йўқ нафрат,
Шуни биламан фақат.
Кечирилмас хиёнат,
Мени кутма, Нилуфар.

Дардга тўшак тўшайман,
Сабабини айтмайман.
Мен барибир қайтмайман,
Мени кутма, Нилуфар.

Аҳаднинг йўллари хун,
Оёғи ишққа тутқун.
У сенга бормас бугун,
Мени кутма, Нилуфар.



ЭССИЗ, МУҲАББАТ ЭССИЗ...

Йиғлар баҳор, йиғлар куз,
Юрагимдан ўтар муз.
Сени йўқотдим, афсус,
Эссиз, муҳаббат эссиз...

Севгандим, куламан деб,
Шодликка тўламан деб.
Энг бахтли бўламан деб,
Эссиз, муҳаббат эссиз...

Бевафо, қолдим сенсиз,
Кўзёшим денгиз, денгиз.
Биргамасмиз иккимиз,
Эссиз, муҳаббат эссиз...

Эссиз, аҳду паймонлар,
Гилсиз қолди осмонлар.
Ўртамизда ёлгонлар,
Эссиз, муҳаббат эссиз...

Кўксим йиртар хиёнат,
Юракда ўсар нафрат.
Қандай яшайсан, Аҳад,
Эссиз, муҳаббат эссиз...

2009

УСТОЗНИНГ АЙТГАНИНИ ҚИЛ-У...

Тиғдек санчиб устознинг сўзи,
Очилди-ку шоғирднинг кўзи.
Ўшал сўзга амал қилолмай,
Йиғлар эди устознинг ўзи.

2004



АЙТИШУВ

(қўшиқ)

Қиз: Бегим, севги синовдир,
Сабр этсанг, сийловдир.
Муҳаббат — бу чўғ экан,
Кул остида оловдир.

Йигит: Гулим, умр гаровдир,
Ҳар бир қадам сўровдир.
Одамдек севолмасам,
Мендан нима қоладир.

Қиз: Бегим, севги ўйинмас,
Мато эмас, кийиммас.
Ёлгончи ошиқларга,
Ҳар кун севмоқ қийинмас.

Йигит: Гулим, сўзим эртакмас,
Синамоққа эрмакмас.
Лафзи ҳалол йигитман,
Сўздан қайтган эркакмас.

Қиз: Бегим, ваъданг қоп-қопдир,
Сенга гумоним кўпдир.
Йигитларга билсанг, гар,
Асло ишончим йўқдир.

Йигит: Гулим, ақлинг ошдими,
Менга томон тошдими.
Дилингдаги муҳаббат,
Ё бутунлай ўчдими?

Қиз: Бегим, сўзларинг хато,
Кўтарма бунча ғавго.
Сўзлар ўйинини ясаб,
Қалбимни этма яро.

Йигит: Гулим, сенга жон фидо,
Сен малика, мен гадо.
Агар бир кун кўрмасам,
Кўзёшим дарё, дарё...

Қиз: Бегим, шартларим бордир,
Аввал отамни кўндир.
Уни ишонтиролсанг,
Йўқдир бошқа хавотир.

Йигит: Гулим, мен ким Аҳадман,
Мардман соҳибжуръатман.
Буни кўп ўйлайверма,
Отанг билан улфатман.

Нақорат:
Дилда наво куй бўлсин,
Розиман де, тўй бўлсин.



ЎШАЛ КУННИ КУТИБ ЯШАЙМАН

Кўзёшларим ютиб яшайман,
Соғинчларда куйиб яшайман.
Бизлар бирга бўлармиз бир кун,
Ўшал кунни кутиб яшайман.

Ҳар қадамда гарчи мингта дард,
Менга улар туйилади бахт.
Висолингга етмоғим бу шарт,
Ўшал кунни кутиб яшайман.

Минг йиллик саҳродан кезаман,
Миллион йил денгизда сузаман.
Қанча тўсиқ бўлса, бузаман,
Ўшал кунни кутиб яшайман.

Севдим деган қароринг учун,
Икки чашми хуморинг учун.
Сабринг учун, мадоринг учун,
Ўшал кунни кутиб яшайман.

Азизим, сен унутма шуни,
Майли, ула йилларга кунни.
Санаб-санаб ҳар битта тунни,
Ўшал кунни кутиб яшайман.

Ёқаман, ўхшайсан енгга сен,
Хомушсан бунчалар нега сен.
Ишонганинг учун менга сен,
Ўшал кунни кутиб яшайман.



БИЛАРДИМ, СЕЗАРДИМ

Билардим, сезардим мени севишинг,
Ҳар куни кутардим қайтиб келяшинг.
Истардим, ёнимдан кетма дейишинг,
Муҳаббат дардида ёниб куйишинг.

Сендан кечолмайман, юрак қўймайди,
Сендан бошқасини кўнгил суймайди.
Кўзимга термулиб бир бор боқсанг, бас,
Сенга қарайвериб кўзим тўймайди.

Ўйлардим, дайри-дун чархи фалакда,
Ҳар лаҳза талпинар юрак-юракка.
Гарчи китоб ичра яшамасак ҳам,
Умримиз ўхшайди ширин эртакка.

Боғингга пинҳона кўзим тушибди,
Ширага етилиб узум пишибди.
Оқшомда ғунчага дардинг айтибсан,
Саҳарда атиргул сиринг очибди.

Мендан ҳеч нимани яширолмайсан,
Қалбингни яшириб яшаёлмайсан.
Етмишта юлдузга айтган гапингни,
Не учун Аҳадга айта олмайсан.

Билардим, сезардим мени севишинг...

2009

ИСРОФГАРЧИЛИК...

Маза бўлар, маза бўлар,
Ҳаммаси топ-тоза бўлар.
Юрак хомуш, чўнтак бўм-бўш,
Тўйдан кейин аза бўлди.

2004



ТАСОДИФАН СЕВИБ БЎЛМАЙДИ

Тасодифан учрашиш мумкин,
Тасодифан ажрашиш мумкин.
Тасодифан ҳар не бўлса ҳам,
Тасодифан севиб бўлмайди.

Ҳеч иложи топилмаганда,
Бахт келади кутилмаганда.
Ҳеч бир орзу рўй бермас эди,
Тақдирингга битилмаганда.

Тасодифан туғилиш мумкин,
Яшаш мумкин, ё ўлиш мумкин.
Эслаш ёки унутиш мумкин,
Тасодифан севиб бўлмайди.

Ҳиндистонда бир тўйни кўрдик,
Келин испан, куёв хитойлик.
Самарқандда фарзанд кўришди,
Демак, бола Ўзбекистонлик.

Тасодифан бошланар уруш,
Офат келар ёки қирилиш.
Сиёсатда бўлар бурилиш,
Тасодифан севиб бўлмайди.

Чойхонада бир чолни кўрдим,
Дейди: мен уч асрдан ўтдим.
Севганмисиз, отахон, дедим,
Кампиримни севганман, дейди,
Айтиб юрма, ўзи билмайди.

Ҳар ким муҳаббатини топсин.
Қисматдаги жуфтини топсин.
Аҳад истар, бахтини топсин.
Тасодифан севиб бўлмайди.

ЎЛДИРСА, СЕВГИ ЎЛДИРСИН

Эски ишқнинг жароҳатин,
Янги муҳаббат тўлдирсин.
Тўсманг ошиқларнинг йўлин.
Ўлдирса, севги ўлдирсин.

Истаганича синашсин,
Айрилиқда дил куйдирсин.
Бир кун висолга етишсин,
Ўлдирса, севги ўлдирсин.

Гумон ўлдиргандан кўра,
Ёлғон ўлдиргандан кўра.
Армон ўлдиргандан кўра,
Ўлдирса, севги ўлдирсин.

Бир бедаёни севибман,
Ишқида жондан тўйибман.
Кимлигин билиб дедим ман,
Ўлдирса, севги ўлдирсин.

Юрагимдан қонлар оқди,
Суйганим ўзгага боқди.
Дил бир ҳақиқатни уқди,
Ўлдирса, севги ўлдирсин.

Шудир тақдир, шудир қисмат,
Ўлдираркан чин муҳаббат.
Бу ҳам бир бахт, ошиқ Аҳад,
Ўлдирса, севги ўлдирсин.



СЕВИБ ҚОЛИШДАН ҚЎРҚАМАН

Ёлғизликда ўтсин умр,
Жонимни ўтда ёқаман.
Билмадим-у нимагадир,
Севиб қолишдан қўрқаман.

Қўрқмайман аёл макридан,
Қўрқмайман чаён захридан.
Қурқмайман ғаним қаҳридан,
Севиб қолишдан қурқаман.

Бошимга тушса ҳам кулфат,
Қиламан сабру қаноат.
Ҳар нега тайёрман фақат,
Севиб қолишдан қурқаман.

Бир марта суйганим учун,
Алданиб куйганим учун.
Онам ранжимасин учун,
Севиб қолишдан қурқаман.

Кўнгил одатим ташлолмай,
Юрак билан келишолмай.
Оддий одамлек яшолмай,
Севиб қолишдан қўрқаман.

Дарддан, қийналишдан эмас,
Яна синалишдан эмас.
Ҳатто, уйланишдан эмас,
Севиб қолишдан қўрқаман.

Деманг, қандай ўтар кунинг,
Дил сўзларимга ишонинг.
Аҳадни тўғри тушунинг,
Севиб қолишдан қўрқаман.



ЁЛВОРАМАН

Қалбингизни тор қилманг, деб ёлвораман,
Севгимизни хор қилманг, деб ёлвораман.
Ёлвораман мендай ошиқ қадрин билмай,
Ўзгасини ёр қилманг, деб ёлвораман.

Оввораман, ортингиздан оввораман,
Соғинаман, сизни ўйлаб тобораман.
Ёнингизда айланаман ўрғиламан,
Кўзларингиз кўр қилманг, деб ёлвораман.

Савлатига сармаст бўлиб севадим, деманг,
Муҳаббатнинг нималигин билдим, деманг.
Алдаб кетса, тўйдим деманг, куйдим деманг,
Ёлгонлардан тўр қилманг, деб ёлвораман.

Фаниматдир, омонатдир дийдоримиз,
Эрта учун пойдевордир қароримиз.
Йўқлаб турса баҳоримиз, баҳоримиз,
Йўлимизни қор қилманг, деб ёлвораман.

Ишқ саҳросин ўзим ёлғиз кезаман деб,
Аҳад, сенсиз, бахт жадвалин тузаман деб.
Яна келсанг, ўзим сени осаман деб,
Сочларингиз дор қилманг, деб ёлвораман.

Ўзгасини ёр қилманг, деб ёлвораман.

2009

БОЙЛИК ДЕБ...

Баъзилар пулни кўп йиғ, дейди,
Бой бўлсанг узоққа борасан.
Бойлик деб йўлингдан адашиб,
Кўпинча тузоққа борасан.

2004



ҲЕЧ КИМ

Кетаман, узоққа кетаман,
Жавобсиз севгини нетаман.
Сени деб дунёдан ўтаман,
Юраккинам оғрийди сим-сим,
Энди менга ҳеч кимсан, ҳеч ким.

Сиқилиб, тўлиқиб йиғлайсан,
Изларимни ўпиб йиғлайсан.
Оёқларинг тепиб йиғлайсан,
Қўй, мени ҳам йиғлатма юм-юм,
Энди менга ҳеч кимсан, ҳеч ким.

Кўзёшларинг келади ичким,
Фамларингни тунлари қучгум.
Севгимдан эмас, сендан кечгум,
Йўлларимга термуласан жим,
Энди менга ҳеч кимсан, ҳеч ким.

Лим-лим тўлди сабр косаси,
Кўзларингнинг тим-тим қораси.
Ишқ Аҳаднинг етим боласи,
Кўнгил синган яримта ним-ним,
Энди менга ҳеч кимсан, ҳеч ким.

Кетаман, узоққа кетаман,
Жавобсиз севгини нетаман.
Сени деб дунёдан ўтаман,
Юраккинам оғрийди сим-сим,
Энди менга ҳеч кимсан, ҳеч ким.



ҚИСМАТИМНИ АСРОЛМАДИМ

Йўқотдим суйганимни,
Чин бахтимни асролмадим.
Ким билади куйганимни,
Қисматимни асролмадим.

Ёрим қадри билинади,
Энди бағрим тилинади.
Юрак дардга чалинади,
Жаннатимни асролмадим.

Асролмадим уни нега,
Ўзи нима бўлди менга.
Жону дилим бериб унга,
Давлатимни асролмадим.

Ўлгунча мен билан бўл, деб,
Мен билан ўйнагин кул, деб.
Ёнимда нур сочиб юр, деб,
Ниятимни асролмадим.

Аҳад, қаңдай ношукурсан,
Ўзингча бунча мағрурсан.
Энди ёлғиз яшаб кўрсан,
Ҳаётимни асролмадим.

Йўқотдим суйганимни,
Чин бахтимни асролмадим.
Ким билади куйганимни,
Қисматимни асролмадим.



БУГУН БЎЛДИНГ БЕГОНА

Кетдинг-а, согинтириб,
Йўгингда мен девона.
Кеча бегим, деб туриб,
Бугун бўлдинг бегона.

Нечун мени алдадинг,
Висолингга аврадинг.
Кўз олдимда сувратинг,
Дард ютарман пинҳона.

Найлади муҳаббатинг,
Бошқа экан қисматинг.
Буни ўзинг истадинг,
Умрим этдинг вайрона.

Асир бўлдинг ёлгон-а,
Кўзларим тўлган қон-а.
Кул бўлдим ёна-ёна,
Савдойиман ҳайрона.

Ишқ нима, Аҳаддан сўр,
Севги бу ечилмас сир.
Ёлғизсан, ўзингдан кўр,
Қайтар дунё ёмон-а?

Кетдинг-а, согинтириб,
Йўгингда мен девона.
Кеча бегим деб туриб,
Бугун бўлдинг бегона.

БОҒБОН КЎПАЙДИ...

Орзуни кўп қилдим, армон кўпайди,
Маслаҳат ош қилдим, нодон кўпайди.
Ер очдим, сув келди, кейин боғ бўлди,
Мевага кирганда боғбон кўпайди.



МУҲАББАТСИЗ БАХТНИ БАХТ ДЕМАС

Худо гувоҳ, қасам ичаман,
Севгинг учун жондан кечаман.
Қисматимдан қайга қочаман,
Чин ошиқлар дардни дард демас,
Муҳаббатсиз бахтни бахт демас.

Сенсиз кўрган тушларим ёлғон,
Сенсиз юрган йўлларим армон.
Сенсиз менинг яшашим гумон,
Чин ошиқлар дардни дард демас,
Муҳаббатсиз бахтни бахт демас.

Қўлларим қон, ишқи жароҳат,
Қайда жонон, маъшуқи роҳат.
Висол учун қилурман тоқат,
Чин ошиқлар дардни дард демас,
Муҳаббатсиз бахтни бахт демас.

Қачон йиғлаб, қачон куламиз,
Бу дунёга бир бор келамиз.
Биз, албатта бахтли бўламиз,
Чин ошиқлар дардни дард демас,
Муҳаббатсиз бахтни бахт демас.

Аҳад шоир шарти бўладир,
Муҳаббатнинг тафти бўладир.
Ҳар инсоннинг жуфти бўладир,
Чин ошиқлар дардни дард демас,
Муҳаббатсиз бахтни бахт демас.

Худо гувоҳ, қасам ичаман,
Севгинг учун жондан кечаман.
Қисматимдан қайга қочаман,
Чин ошиқлар дардни дард демас,
Муҳаббатсиз бахтни бахт демас.



ҚАЧОНДИР СЕН МЕНИ ЁДГА ОЛАСАН

Қачондир сен мени ёдга оласан,
Кимсасиз саҳродек ёлғиз қоласан.
Севгимизни эслаб ўйга толасан,
Дунё айланадур, бир кун вақт ўтар,
Ҳамма қилмишларинг ўзингга қайтар.

Яхшига яхшилик қайтади, бир кун,
Эл унга раҳматин айтади, бир кун.
Ёмонни лаънатлар кутади, бир кун,
Дунё айланадур бир кун вақт ўтар,
Ҳамма қилмишларинг ўзингга қайтар.

Менинг муҳаббатдан бошқа нима бор,
Бир сенинг хаёлинг доим менга ёр.
Бугун юрагимга сен бердинг озор,
Дунё айланадур бир кун вақт ўтар,
Ҳамма қилганларинг ўзингга қайтар.

Мен-ку эрта яна бахтим топарман,
Ҳаётга қайтаман шаҳдим топарман.
Йўқотган давлату тахтим топарман,
Дунё айланадур бир кун вақт ўтар,
Ҳамма қилмишларинг ўзингга қайтар.

Биров ҳаққи биров қорнида қолмас,
Биров қарзи биров бўйнида қолмас.
Ёмонлик Аҳаднинг кўнглида қолмас,
Дунё айланадур бир кун вақт ўтар,
Ҳамма қилмишларинг ўзингга қайтар.



ШИРИН ЁЛҒОНИНГГА АЛДАДИНГ, СЕВГИ?

Нега айрилиқнинг ўтига ташлаб,
Висол лаззатига аврадинг, севги?
Нега ёлғизликда кўзларим ёшлаб,
Ширин ёлғонингга алдадинг, севги?

Муҳаббат ўтига парвона этдинг,
Ёрнинг жамолига ҳайрона этдинг.
Нега висолингни пинҳона этдинг,
Ширин ёлғонингга алдадинг, севги.

Сендан ўзгасини ўйламай қўйдим,
Ишқдан бошқа сўзни сўйламай қўйдим.
Дардсиз қўшиқларни куйламай қўйдим,
Ширин ёлғонингга алдадинг, севги.

Суйганим йўлингга пайдо ошиқман,
Тунлари оромсиз шайдо ошиқман.
Юрагим минг толим яро ошиқман,
Ширин ёлғонингга алдадинг, севги.

Аҳаднинг жонини азобга ташлаб,
Ишқ майин тутқаздинг шаробга ташлаб.
Кел, деб ишонтирдинг саробга ташлаб,
Ширин ёлғонингга алдадинг, севги.

Нега айрилиқнинг ўтига ташлаб,
Висол лаззатига аврадинг севги?
Нега ёлғизликда кўзларим ёшлаб,
Ширин ёлғонингга алдадинг, севги?



ТАНГРИ МЕНИ СЕВМАСМИКИН

Юрагимга теккан сўзлар,
Бошгинамни эгган сўзлар.
Кўзёшимни тўккан сўзлар,
Гуноҳимни ювмасмикин,
Тангри мени севмасмикин.

Ортимдан отсалар ғийбат,
Душманамга қилсам ҳурмат.
Изласам яхшилик, ҳикмат,
Гуноҳимни ювмасмикин,
Тангри мени севмасмикин.

Қочсам, нодонлар сафидан,
Ёмоннинг ёлғон гапидан.
Юз бурсам дунё – заридан,
Гуноҳимни ювмасмикин,
Тангри мени севмасмикин.

Кечирсам, хиёнатни ҳам,
Қайтариб, омонатни ҳам.
Изласам диёнатни ҳам,
Гуноҳимни ювмасмикин,
Тангри мени севмасмикин.

Оламни бир кўнгил қилсам,
Оғирларни енгил қилсам.
Аҳад исмини оқласам,
Гуноҳимни ювмасмикин,
Тангри мени севмасмикин.

Юрагимга теккан сўзлар,
Бошгинамни эгган сўзлар.
Кўзёшимни тўккан сўзлар,
Гуноҳимни ювмасмикин,
Тангри мени севмасмикин.



ВИСОЛИНГГА ҚАЧОН ЕТАМАН...

Мен сени ҳар куни кутаман,
Ёнингга боришга юзим йўқ.
Ўзимни оқлашга сўзим йўқ,
Висолингга қачон етаман...

Мен сени ҳар куни кутаман,
Армонни ўрайман гулларга.
Кунларни улайман йилларга,
Соғинчларга бўса тутаман.

Мен сени ҳар куни кутаман,
Келмаслигинг билсам-да гарчи.
Орзуларга урмайман қайчи,
Умид ҳақда шеърлар битаман.

Мен сени ҳар куни кутаман,
Тўғри, балки кечирмагансан.
Аммо дилдан ўчирмагансан,
Хотирадан илинж титаман.

Мен сени ҳар куни кутаман,
Сени эсламаган лаҳзам йўқ.
Сен мени севасан, кўнглим тўқ,
Хаёлларга чўмиб кетаман.

Мен сени ҳар куни кутаман,
Ёнингга боришга юзим йўқ.
Ўзимни оқлашга сўзим йўқ,
Висолингга қачон етаман...



КУТАМАН ТОКАЙГАЧА

Севишинг менга маълум,
Буни сезади кўнглим.
Кўзингга қараб билдим,
Юрагим парча-парча,
Кутаман токайгача.

Бир сирни сенга айтай,
Қийнайсан атай-атай.
Майли, озоринг ютай,
Нозланма энди бунча,
Келмасанг, катта кўча.

Фир-фир эсар шамоллар,
Олиб қочар хаёллар.
Уйқу бермас саволлар,
Нозланасан намунча,
Ҳали гунчасан-гунча.

Яна жабринг бор қанча,
Ҳеч ким ошиқмас манча.
Нархинг борми, хонимча,
Жондан тўйдириб бунча,
Куйдирасан намунча...

Севишинг менга маълум,
Буни сезади кўнглим.
Кўзингга қараб билдим,
Юрагим парча-парча,
Кутаман токайгача.



ОНАЖОН

Севганимни сиздан ҳам,
Афзал билдим, онажон.
Ўша қизни ўйлаб ман,
Касал бўлдим, онажон.

Кечиринг мен нодонни,
Дўст билибман шайтонни.
Ажратишни ўргандим,
Яхши билан ёмонни.

Оқшомлари қон ютиб,
Заҳар ичдим, онажон.
Кеч бўлса-да севгимдан,
Энди кечдим, онажон.

Онажон, сиз йиғламанг,
Ақлим кирди ҳар ҳолда.
Қумдан қаср қурибман,
Тўзғиб кетди шамолда.

Макру тузоқ илқидан,
Энди қочгум онажон.
Ўғлингизни авролмас,
Энди ҳеч ким, онажон.

Онажон. Аҳад энди,
Кечаги ёш боламас.
Яхшига қучоқ очиб,
Ёмонликни хоҳламас.

Севганимни сиздан ҳам,
Афзал билдим, онажон.
Ўша қизни ўйлаб ман,
Касал бўлдим, онажон.



КҮНГЛИМ ЙИҒЛАЙДИ...

Қачондир бизлар ҳам унут бўламиз,
Шамолнинг бағрида сукут бўламиз.
Қўлдан чиқарилган ёқут бўламиз,
Кўзларим кулса ҳам кўнглим йиғлайди,
Суйганим кутганда нега келмайди?

Қадримизни сочиб тупроқ қилдилар,
Тупроғимиз титиб сўроқ қилдилар.
Айбимиз не эди, бундоқ қилдилар,
Кўзларим кулса ҳам кўнглим йиғлайди,
Армонли тунларим кўксим доғлайди.

Ортимдан миш-мишлар сўзлар ёнади.
Қай даврага кирсам, кўзлар ёнади.
Эртага ортимдан излар ёнади,
Кўзларим кулса ҳам кўнглим йиғлайди,
Дилдаги фарёдим ҳеч ким билмайди.

Дунёни безатиб қилсак гар сайқал,
Бир пул, ўзимизга қўйсак ҳам ҳайқал.
Барибир вақт ўтиб кимдир тош отар,
Кўзларим кулса ҳам кўнглим йиғлайди,
Бу дардга чидолмай юрак инграйди.

Умр ўтмоқдадир, ҳаёт оқмоқда,
Бу замон адашиб кимга боқмоқда.
Мени кутган кўзлар бағрим ёқмоқда,
Кўзларим кулса ҳам кўнглим йиғлайди.
Аҳад шоир сатри куйда янграйди.

Қачондир бизлар ҳам унут бўламиз,
Шамолнинг бағрида сукут бўламиз.
Қўлдан чиқарилган ёқут бўламиз,
Кўзларим кулса ҳам кўнглим йиғлайди,
Суйганим кутганда нега келмайди?



МАЛИКАМ

Маликам, нақадар бахтлисиз бугун,
Энди сиз томонда қуёш ботмагай.
Менинг ҳолим забун, толеим нигун,
Наҳот осмонимда тонглар отмагай.

Маликам, кўзингиз лов-лов ёнади,
Ичимда чўғ бўлиб олов ёнади.
Мен ёлғизман десам, ким ишонади,
Энди эшигимдан шомлар кетмайгай.

Маликам, ҳижрон бу, азобдир улкан,
Кўксимга тиғ бўлиб санчилган тикан.
Юракни армонга тўлдирар экан,
Сизни сўраб мудом кўнгил ётмагай.

Ҳаётимда йўқдай мазмун маликам,
Сизга борми мендек мафтун маликам.
Куйларим шу қадар маҳзун маликам,
Йиғладим мисоли Мажнун маликам.

Маликам, айтайин энг сўнгги сўзни,
Беаёв шўр қисмат айирди бизни.
Сиз мени унутинг, мен эса сизни,
Барибир у дамлар, энди қайтмагай.

Маликам, нақадар бахтлисиз бугун,
Энди сиз томонда қуёш ботмагай.
Менинг ҳолим забун, толеим нигун,
Наҳот осмонимда тонглар отмагай.



ЭЙ ДИЛОРОМ

Эй Дилором,
сени эслаб бу оқшом,
Кўзларимга ҳалқа-ҳалқа ёш келди.
Қанийди, ёнимда бўлсайдинг бир зум,
Бир зумгина сени кўрсам кошкийди.

Эй Дилором,
йиғладим бу кечаман,
Наҳот сендан айрилдим мен-кеча ман.
Сенсиз бир лаҳзани ўтмоғи огир,
Ўзинг ўйла, сендан қандай кечаман.

Эй Дилором,
лардларим дарё бўлди,
Муҳаббат ҳам нархланиб савдо бўлди.
Мен билмадим не эди гуноҳларим,
Сенсиз қолдим жонимга жазо бўлди.

Эй Дилором,
эй Дилором, билсайдинг,
Ошиқ Аҳад қалбини тушунсайдинг.
Сани манга Худо учратган эди,
Бир боргина тақдирга ишонсайдинг.

Эй Дилором,
сени эслаб бу оқшом,
Кўзларимга ҳалқа-ҳалқа ёш келди.
Қанийди, ёнимда бўлсайдинг бир зум,
Бир зумгина сени кўрсам кошкийди.



НИМА ИСТАЙСИЗ?

Айтинг, нега мени қийнаб яшайсиз,
Нега муҳаббатнинг дилин гаплайсиз.
Тушунинг, биз бирга бўла олмаймиз,
Айтинг, мендан бунча нима истайсиз?

Хазонлар шивирлар бу тентак ким деб,
Нега бунча маъюс бунчалар жим деб.
Ҳар кун дард ютаман битта айбим деб,
Айтинг, мендан бунча нима истайсиз?

Кўзларим нурига ташна шарпадек,
Эгасин йўқотиб қўйган кулбадек.
Тилло танга излаб юрған телбадек,
Айтинг, мендан бунча нима истайсиз?

Учраган одамга сўзлайсиз мени,
Учраган одамдан излайсиз мени.
Мен ҳасрат қилгани қидирай кимни,
Айтинг, мендан бунча нима истайсиз?

Баҳорга аёнмас қишнинг қисмати,
Заҳар тутган ҳижрон дилнинг улфати.
Сизни йўқотганим кўнгил кулфати,
Айтинг, мендан бунча нима истайсиз?

Сизни ўйлайвериб қон бўлди багир,
Қанча уринмайлик, ўзгармас тақдир.
Мен ҳам одамман-ку тушунинг, ахир,
Айтинг, мендан бунча нима истайсиз?

Қани, айтинг, энди шу қисмат бахтми,
Менинг ёлғизлигим сизга омадми.
Сизни севомайман дейишим шартми,
Айтинг, мендан бунча нима истайсиз?



БОРИМ ЭДИНГ СЕН

Кўзгуга боқсам ҳам кўргум юзингни,
Айт, жоним, мен қайдан топай ўзингни.
Наҳотки, унутдинг берган сўзингни,
Севгилим, азизим, жоним эдинг сен,
Кўрганим, билганим, борим эдинг сен.

Хор бўлдим, қалбингнинг остонасида,
Йиғладим, муҳаббат вайронасида.
Ишониб, сўзларинг афсонасига,
Йўлларимни кутган зорим эдинг сен,
Ҳаётим, номусим, орим эдинг сен.

Кўнглимни танлаган танҳоси эдинг,
Умримнинг мазмуни, маъноси эдинг.
Осмоним юлдузи Зухроси эдинг,
Кўзлари хуморим, ёрим эдинг сен,
Кўлимда куй чалган торим эдинг сен.

Сен десам, тилларим исминг такрорлар,
Сен десам, йўлларим сен томон бошлар.
Сен десам, ҳасратим кўзларим ёшлар.
Кўзгуга боқсам ҳам кўргум юзингни.
Айт, жоним, мен қайдан топай ўзингни,
Наҳотки, унутдинг берган сўзингни,
Севгилим, азизим, жоним эдинг сен,
Кўрганим, билганим, борим эдинг сен.

Кўзгуга боқсам ҳам кўргум юзингни,
Айт, жоним, мен қайдан топай ўзингни.
Наҳотки, унутдинг берган сўзингни,
Севгилим, азизим, жоним эдинг сен,
Кўрганим, билганим, борим эдинг сен.



СОГИНЧИНГСИЗ

Хаёлимдан кетмайсан асло,
Тушларимда тинч қўймай, ҳатто.
Ҳаётимда қолмади маъно,
Соғинчингсиз,
Сенсиз, Севгингсиз.

Осмонга боқ, биздан-да маъюс,
Тупроқ узра хазондир, афсус.
Армон билан бўлдим юзма-юз,
Соғинчингсиз,
Сенсиз, Севгингсиз.

Кетолмай, ҳасратлар шаҳридан,
Ичаман ҳижроннинг захридан.
Қўрқаман аламнинг қаҳридан,
Соғинчингсиз,
Сенсиз, Севгингсиз.

Дил дафтари — муҳаббатнома,
Дил дардлари мендан девона.
Бахтим излаб бўлдим оввора,
Соғинчингсиз,
Сенсиз, Севгингсиз.

Ҳасратим тиқилар томоққа,
Тунларим ўтмоқда ингроқда.
Қандай яшай сендан узоқда,
Соғинчингсиз,
Сенсиз, Севгингсиз.

Йўлимизда кимлар чоҳ қазди,
Дўсту душман орамиз бузди.
Ишончимиз саҳродек тўзди,
Соғинчингсиз,
Сенсиз, Севгингсиз.



АЧИНАМАН СЕНГА, АТИРГУЛ

Ачинаман сенга, атиргул,
Эслатасан актрисани.
Чаманларни яшнатдинг нукул,
Гул остида асраб тиканни.

Роль ўйнама менга, атиргул,
Бировлар-чун очилиб сўлма.
Йиғласанг, ёш тўкиб йиғлагил,
Кулганда ҳам ёлғондан кулма.

2010

ДУНЁДА ЭНГ ЁМОН БАХТСИЗЛИК

Дунёда энг ёмон бахтсизлик нима,
Дунёда энг катта нима йўқотиш.
Нега сен бунчалар ўйландинг дўстим,
Шунчалар қийинми жавобин айтиш.

Балки бутун сенинг бахту омадинг,
Балки ҳеч нарсангни йўқотмагансан.
Энг катта бахтсизлик севмай яшамоқ,
Энг катта йўқотиш

ҚАЛБИНГ йўқотсанг...

АДАБИЁТ, ЭШИКЛАРИНГ ОЧ

Адабиёт, эшикларинг оч,
Мен ҳам кўрай кўҳна архивни.
Мендан мажбур сўрамагин бож,
Кел ёзайлик янги тарихни.

Адабиёт қўл бер, дўстгинам,
Ҳурматингга бўлай сазовор.
Сенда бўлса бор ҳақиқат жам,
Мен бўлардим энг зўр ижодкор.



ИЧИМДА...

Ичимда нимадир қайнайди,
Ижодми, ташвишми,
 Ё бошқа юмуш.
Ақлимни нимадир чайнайди,
Фарёдми, хонишми,
 Ё кўнгил сўниш...

Ичимда юрагим йиғлайди,
Дилчертар ваҳима,
 Қайгуриш.
Миям тур, ёзгин, деб қўймайди,
Илм фан кутмоқда
 Бурилиш...

Улгуриш керак, дер, улгуриш.

МЕН БАХТЛИМАН

Мен бахтлиман,
Нега йиғлайсиз, она!
Дардниям ҳаммага бермайди Худо,
Бахтим – шу дардимда,
Дардим – бахтимда,
Бутун юрт ортимдан қияпти дуо.

Юрт илдамламоқда чўққилар сари,
Карвон қадам ташлар олдинга қараб.
Мени деб шу Ватан дардидан ариб –
Бир қадам олдинда юрса не ажаб.

2009

ИЖОД БУ...

Ижод бу қалбимнинг қайғуси эрур,
Ижод бу дардимнинг кўзгуси эрур.
Минг йиллик музларнинг жилғаси Аҳад,
Денғизга айланмоқ орзуси эрур.

2003



ИШДАН ЧАРЧАБ КЕЛИБ

Ишдан чарчаб келиб,
 Ҳаётдан тўйиб,
Кимгадир захримни сочгим келади.
Дўстдай елкасига бошимни қўйиб,
Кимгадир қалбимни очгим келади.

Кимгадир қўнгироқ қилсам банд бўлар,
Тонггача ёришмас ҳеч қўнгил хонам.
Мени шундай пайтда ким ҳам тушунар,
Қани шу пайт ҳаёт, бўлсайди онам.

БИЛДИМ...

Билдим, бу курашда ҳеч ким ютмайди,
Буни йўл ярнида тушундим она.
Ўйиннинг бошидан жонимни тикдим,
Билмам, мендан нима истарлар яна.

Ҳаётнинг ранглари кўринмай қолди,
Ит ва отнинг изи қўшилиб кетган.
Ўз-ўзимни излаб чарчадим, толдим,
Дунё-ҳақиқатнинг бошига етгай...

Қизиқ...
Ўйиннинг бошидан боримни тикдим...

ОРЗУ

Отам, онам билан танишганида,
Тақдирин бирга ҳал қилишганида.
Ният қилганида гар ўғил кўрсак,
Шоир қиламиз деб келишганида.

Камида Навоий бўлардим бугун,
Ўрнига чиқардим балким Пушкинни,
Мен майдонга чиқсам адабиёт, фан,
Дунё тан олмасди мендек ҳеч кимни.



ОТАМНИНГ ЎТИТИ

-1-

Ота пандин олган кам бўлмас дерлар,
Ушбу сўзларимга, ўғлим, қулоқ сол.
Юрт билган ватандан бахтини излар,
Бир ерда унмаса, мўрт ўсар ниҳол.

Баъзан бошга кулфат ёғдирар тақдир,
Аmmo сен барига қила ол тоқат.
Майли, сувлар кечгин, майли, ўтда ён,
Элнинг назаридан қолмагин фақат.

-2-

Ўрнингдан тургин дарҳол,
Шу ҳам китоб ўқишми?!
Китобни – суриб хаёл,
Ўқима ёзми, қишми.

Қадрим баланд – элимга,
Етсин десанг гар нолам.
Китоб олсанг қўлингга,
Мудрамагин, жон болам.

2007

ШЕЪР ЭКАН ДЕБ...

Шеър экан деб ҳамма гапни ёзаверсанг,
Тилла бор деб ҳамма жойни қазаверсанг.
Йўқ пулингга йўқ режалар тузаверсанг,
Қураман деб борини ҳам бузаверсанг.

Яшайман деб, нафасингни бўғиб қўйма,
Қадр сўраб бор обрўйинг тўкиб қўйма.
Замон қизиқ билмасдан ҳам сўкиб қўйма,
Сув йўқ жойда атиргулни экиб қўйма...

2009



ОЛТИН ДЕБ ОЛГАНИМ...

Олтин деб олганим мис бўлиб чиқди,
Баҳор деб борганим куз бўлиб чиқди.
Эккан ниҳолларим хас бўлиб чиқди,
Фалакнинг тескари боққанин қаранг,
Душман деб билганим дўст бўлиб чиқди.

Дўстимсан деганим ўғрикўз чиқди,
Фирибгар деганим тўғрисўз чиқди.
Мардлигин мақтаган беномус чиқди,
Битта қиз юз бурди кеча севгимдан,
Бугун рўпарамда қирқта қиз чиқди.

2009

КУЛИШНИ ИСТАСАНГ...

Кулишни истасанг, бахт кўп дунёда,
Йиглашни истасанг, дард кўп дунёда.
Фариблик либосин кийсанг, кўчада,
Дўстман деб қўл чўзган мард йўқ дунёда.

Дунёдан яхшилик излаган жон кўп,
Юракка тош солсанг, кўринар ғам кўп.
Дилингни кенгроқ оч, гулу гулшан кўп,
Бир меҳр излаган қалб кўп дунёда....

2009

ЧЕКИНИШ...

Қолгим ҳам келмаяпти,
Кетгим ҳам келмаяпти.
Нокерак азобларни,
Ютгим ҳам келмаяпти.

Дунё, бунча дардинг кўп,
Қадринг йўғу, шартинг кўп.
Ким сенга меҳр қўйса —
Ўшани қийнадинг хўп...

2009



АТРОФИМИЗДА...

Атрофимизда жондўст акалар кўпаймоқда,
Опа, сингил, қадрдон укалар кўпаймоқда.
Биз дўстлик тарафдори, янги боғда ниҳолмиз,
Бўйимиздан ҳасадда, тўнкалар кўпаймоқда.

Кўпаймоқда, отасин қабрига тош отганлар,
Хотинининг макрига ўз онасин сотганлар.
Биз ҳақиқат томонмиз, ҳақ томон кетяпмиз деб,
Биз гулзорга кетяпмиз деб, лой балчиққа ботганлар...

2010

ДЎСТЛАРИМ ҚАДРИМНИ...

Дўстларим қадримни билса, кошкийди,
Севганим дардимни билса, кошкийди.
Умрим қарвонидан ёлғонлар кетиб,
Ҳаётим ростларга тўлса, кошкийди.

Дунёда энг бахтли одам бўлардим,
Бошқаларга ўхшаб ўйнаб кулардим.
Севгида омадим кулса, кошкийди,
Дунёдан беармон балки ўтардим...

2011

ДАРДИНГ БИЛМАСА ДЎСТИНГ...

Дардинг билмаса дўстинг,
Қадринг билмаса дўстинг.
Қандайин йўл тугасан,
Энди ўйлагин ўзинг...

Душманингдан хавф кутиб,
Эҳтимолин оласан.
Кўйнингда илон бўлса,
Аниқ бир кун ўласан.



СОТИБ КЕТДИ ДЎСТЛАРИМ

Кўзларимда дардли кунлар нам бўлди,
Ҳаётимда бахтли кунлар кам бўлди.
Ярим йўлда

сотиб кетди дўстларим,
Севганимдан айрилдим, алам бўлди.

Дунё, шуқр оилам бор таянчим,
Яхши, ёмон кунларимда суянчим.
Туғилдимки, кўрганам алам бўлди,
Дарёларга оқиб кетди ишончим.

2011

ЯХШИ ОДАМ ЎТСА ДУНЁДАН

Яхши одам ўтса дунёдан,
Жаннатлар ҳам нурга тўлармиш.
Ёмон одам ўтса дунёдан,
Жаҳаннам ҳам ғамга тўлармиш.

Азройил ҳам келиб самодан,
Яхшисини танлаб олармиш.
Сабабини сўраб Худодан,
Аршга чиқиб роса йиғлармиш...

ШАҲАРДА ЯШАСАНГ

Шаҳарда яшасанг, дейди кўпчилик,
Яшаш яхши, лабда қулгулар.
Оёғингдан ҳалеб тортмас йўқчилик,
Ташқаридан шундай туюлар.

Қишлоқда яшасанг, дейди кўпчилик,
Ҳаёт огир, қалбда қайғулар,
Ўйлайсан, соат ҳам тўхтаб қолгандек,
Ташқаридан шундай туюлар.



ТҮҒРИ ҚИЛЯПМАНМИ?

Түғри қияпманми,
ёки ногүғри,
Қандай яшаяпман шуни ўйлайман.
Гоҳида керакли юмушлар қолиб,
Нокерак ташвиш деб жоним қийнайман.

Йўқотиш бир сабоқ,
қоқилиш бир дарс,
Гоҳ ақл,
гоҳ юрак бир-бир тинглайман.
Минг марта ўзимни йўқотиб қўйиб,
Минг марта ўзимни қайта ўнглайман....

УМР

Умр – чархпалак,
Юрак – ғилдирак.
Кўнгил – жабркўл,
Меҳр – бир челақ...

Умр – чархпалак,
Яшамоқ керак.
Йўқотмоқ асли,
Топмоқдан дарак...

ҲАҚИҚАТ

Ҳамма керак гаплар айтиб бўлинди,
Нокерак гаплардан чарчади дунё.
Дилда барча ёлғон жилғалар тинди,
Ҳақиқат – қалбимда мавжланган дарё...

2003



ТҮРТЛИКЛАР

Мен осмонман, юлдузим сенсан,
Мен кемаман, денгизим сенсан.
Мен япроқман, илдим сенсан,
Гўзалликда тенгсизим сенсан.

2011

Ҳар бир дардга, шифо бўлсин, даво бўлсин,
Ҳар бир куйда, оҳанг бўлсин, наво бўлсин.
Ҳар бир кўнгил аҳду вафо қилган яхши,
Муҳаббатда ўшал аҳдга вафо бўлсин.

2011

УСТОЗЛАР ЎГИТИ

Ҳар бир ишда ярашади асталик,
Шошқалоқлик келтиради хасталик.
Элдан аввал чанг кўтармоқ нодондан,
Пом чиқармоқ саналмайди усталик.

2003

БИР КАМ ДУНЁ

Яна бир дўстимни йўқотдим бугун,
Йўқотдим, ўзимни йўқотдим бугун.
Сен келдинг, севгим, йўқотдим тинчим,
Юрагимдан кетиб қолди соғинчим...

2003

МАВҲУМЛИК

Бунда на яшаб, на ўлиб бўлмайди,
Керак пайт ҳақиқат голиб бўлмайди,
Кўз очиб юмгунча ўтар бугун ҳам,
Эртага не бўлар, билиб бўлмайди...

2003



ЎРМОН

Шерлар сичқонлардек бекинди аста,
Шоқоллар шерман деб ичди хунимиз.
Акиллаб ётганда бўрилар итдек,
Тулкиларга қолди кунимиз...

2003

ИРВОГАР

Индамай турсанг агар,
Нега жимсан, дер улар.
Агар гапириб қўйсанг,
Ўзи кимсан, дер улар.

2003

АВЛОДИ БАШАР

От кўтаргай, фақат отнинг зарбини,
Ит ҳам сезар, ҳатто итнинг жабрини.
Фақат инсон зоти буни қарангки,
Титиб юрар бир-бировин қабрини...

2003

ТАРИХ КИТОБ

Аждодларнинг шиддатли,
Қадамлари зарбидан.
Шаҳд ўсиб бораверар,
Авлодларнинг қалбида.

2003

ВОАЖАБ!

Тулки боласига насиҳат бериб,
Одамлар ҳақида уқтирар эди.
Эпласанг, тулкидек айёрлик қилгин,
Одамлардек айёр бўлмагин, деди.

2003



ҲАВОЙИЛИК

Хамирни қорган билан,
Дарров нон пишиб қолмас.
Юлдузга қўл узатсанг,
Қўлингга тушиб қолмас.

2003

ҚАРАНГ-А-А-А!..

Энг юксак чўққиларда,
Яшаса ҳам чумоли.
Пасту баланд фарқини,
Англамоғи гумонли...

2003

БИЛИНГ...

Билинг, кимники агар,
Ёлғони куп ростидан.
Боши гавгодан чиқмас,
Душмани кўп дўстидан.

2003

ХУРОФОТ

Агар хурофот билан,
Тўлдирсанг гар кўнглингни.
Фарқин сезмай қоласан,
Тушинг билан ўнглингни.

2003

ЭҲТИЁТ ҚИЛ...

Кўрқма агар тош кўрсанг,
Душманингни қулида.
Эҳтиёт бўл, ишқилиб,
Тош бўлмасин дилида.

2003



БОЛА ЭДИМ...

Бола эдим, гўдак эдим, гул эдим,
Катталар ёлғончи, деб билар эдим.
Катта бўлсанг, ким бўласан, десалар,
Албатта, ёлғончи бўламан, дердим.

2003

ҒИЙБАТ

Кимки ул ўз
 номини паст қиймат қилур,
Ўтган, кетган
 учрагани ғийбат қилур.

2003

ЎТГАН АСРДА

Саксонинчи йиллар тилни эсладик,
Тўқсонинчи йиллар элни эсладик.
Тил бўлди, эл бўлди лекин тарқоқдек,
Муштарак этмоққа дилни эсладик.

2003

ҒАЗАБ...

Иғво қилаверма, нодон
Ҳадеб ортимдан.
Балки эрта ишинг битар,
Менинг номимдан.

2003

МАСЖИДДА

Ҳар ким ўз касбини эпласин экан,
Баъзилар уринар ярашмаса-да.
Ўзини кўрсатиб баъзи кофирлар,
Масжидда жойнамоз талашмаса-да.

2003



ОТАМ НАСИҲАТИ

Ўғлим, эҳтиёт бўл сафарга чиқсанг,
Тўсиқлар кўп, дея отам панд берди.
Отажон йўлимда тўсиқни кўрдим,
Афсус, ёнимдаги одам панд берди.

2003

ОТАЛАР СЎЗИ – АҚЛНИНГ КЎЗИ

Савоб ва гуноҳнинг не деб замирин,
Отамдан сўрадим яшамоқ сирин.
Падарим уҳ тортиб сўз қотди шу он,
Тарихи олисдир, ўғлим, ҳар бирин.

2003

ИШҚ

Савдолар ичра энг оғиридир ишқ,
Башарнинг аввали охиридир ишқ.
Ишқ бу асли дунё ботини лекин,
Куйган кўнгилларнинг зоҳиридир ишқ.

2003

ЭЙ, ДЎСТИМ

Эй, дўстим, дилдаги қарорга боққин,
Савдоси тўхтамас бозорга боққин.
Ўтганлар руҳини ёд этай десанг,
Дунёни четга сур, мозорга боққин.

2003

...ГА

Ўлчашга уринма ҳадеб бўйимни.
Нархлашга шошилма хаёл ўйимни.
Мени таҳлил қилмоқ сенгамас, билсанг,
Сенсиз ҳам биларлар Аҳад Қаюмни.

2003



ЭЙ, НОДОН

Эй, нодон, мен сенга бир сирни айтсам,
Сўзларимдан ҳайрон бўлмагин ҳеч ҳам.
Инсон қадрини сен ўйинчоқ қилма,
Отангинг пулига келган бўлса ҳам.

2003

КИМЛАРДИР

Кимлардир ҳаромдан лаззат тотдилар,
Ўзгалар номидан иғво сотдилар.
Йўлларига кимдир тўсиқ бўлса гар,
Пок номларин булғаб иззат топдилар.

2003

ГОҲ...

Уйимни соғинсам боролмадим гоҳ,
Дўстимнинг кунига яролмадим гоҳ.
Ҳою ҳавасни ҳам муҳаббат билиб,
Севгилим кўзига қаролмадим гоҳ.

2003

БАХТ ИЗЛАБ...

Бахт излаб кимлардир ҳар ён чопаркан,
Кимлардир сабрдан бахтин топаркан.
Во ажаб, баъзи бир зоти нокаслар,
Бир пул учун дўстини ҳам сотаркан.

2003

СИНИШИМНИ СОҒИНГАНЛАРГА...

Тўсиқлардан омон ўтдим, қўл бермасанг ҳам,
Юрак деган дўстни топдим, дил бермасанг ҳам.
Бероҳликдин гоҳи учдим осмонларга мен,
Гоҳи ер остидан юрдим, йўл бермасанг ҳам.

2003



УМР ДЕГАНИ БУ...

Асл бахтнинг илдизин сабрда кўрдим,
Тириклик мезонин қадрда кўрдим.
Умр дегани бу бир уйқу экан,
Уйғонмоқлик сири қабрда кўрдим.

2004

ДУНЁНИ БУЗМА

Биров тўғри йўлга бошласа сени,
Сухбатидан қочмоқ чорасин тузма.
Тан олгинг келмаса нодонлигингни,
Бекорга чираниб дунёни бузма.

2004

МАЙДОНДА

Кимдир жон ҳолатда майдонга кириб,
Мен хўрозман, дея кўп даъво қилди.
Лекин товуқлардек ахлатга кириб,
Ҳаммаёқни булғаб, хўп расво қилди.

2004

МУҲАББАТ ДАРДИГА

Муҳаббат дардига даво излама,
Булбулсиз чамандан наво излама.
Севғинг тоза бўлса, қалбингда асра,
Лекин бевафодан вафо излама.

2004

СИНГЛИМГА НАСИҲАТ

Маҳинисога

Ҳар ниятга етмоққа, Оллоҳ бизга йўл берган,
Бу йўллардан ўтмоққа, оёқ билан қўл берган.
Кўз, қулоқ ва юракни ақлга бўйсундирмоқ чун,
Тилни восита айлаб, алоҳида дил берган.

2004



ИСМИНГ АЙТИБ

Кўзларингда баҳор мавжланар,
Нигоҳингдан эриб кетар қор.
Исминг айтиб куйим авжланар,
Исминг айтиб жаранглайди тор.

2004

РАУФ ПАРФИ

Шоир шеър ёзарди, одамлар ўқиб,
Дердики: шеърингни тушуниш қийин.
Ҳамма сўзин бир-бир олишди ўқиб,
Афсус, ўша шоир ўлгандан кейин...

2004

СИЗ НИМА ДЕЙСИЗ...

Ман сабрнинг суратиман,
Ман умиднинг журъатиман.
Ман армоннинг улфатиман,
Ман Тангрининг қудратиман...

2004

ИККИНЧИ УМР

Гулни узсанг бандидан, сўлди дегани эмас,
Жон узилса яшаб ҳам, бўлди дегани эмас.
Гоҳо яхшилар умри, қабрдан бошлангайдир,
Гўрга кирди дегани, ўлди дегани эмас.

2004

ҚАЙТАР ДУНЁ

Шикаст еб нодон дастидан,
Ўйлаб ғамгин гуссаларни.
Худо урсин, деб қарғаманг,
Худо урган кимсаларни.

2004



О, СЕВГИЛИМ...

Баҳор келар булутларнинг ортидан,
Садо келар сукутларнинг ортидан.
О, севгилим, исминг айтиб келяпман,
Сени излаб ошиқларнинг юртидан.

2004

МАНСАБ

Эшакнинг даври келса,
Отниям тепиб ўтар.
Бу ҳам камлик қилгандай,
Ҳанграйверади баттар...

2004

КЎРОЛМАЙДИ-ДА...

Хато қилсам, кўриб кимдир,
Сиқилма, деб жилмайди.
Сезиб турдим, ичида –
Деди: Одам бўлмайди...

2004

ИШОНАВЕРИНГ...

Айрим қизлар илондек,
Кириб олиб қўйнингга.
Сўнгра сиртмоғин солиб,
Дор қилади бўйнингга.

2004

ХУДБИН

Ўзи учун нелар қилмади бу зот,
Ишлатиб ақлию, қанча фаросат.
Ватан учун айтгин, не қилдинг, десам,
Тили ҳам айланмай қолди-ку ҳайҳот!

2004



ЭНГ АҲМОҚ АЁЛ

Эркак кишининг жаҳли ёниб турганда, ақл ўргатишга ҳаракат қилган аёл, энг аҳмоқ аёлдир.

2008

ҲИСОБЛИ ДҮСТ АЙРИЛМАС

Дўстлар орасидаги ҳаддан ортиқ ишонч ва лоқайдлик кўпинча хиёнатга олиб келади.

2008

ҲЕЧ ЎЙЛАБ КЎРГАНМИСИЗ

Дунёдаги ҳамма сувлар кўзёшга айланиб бўлганмикин.

2008

БИЗНЕС УЧУН ФОЙДАЛИ

Эркак кишининг ҳаддан ортиқ гўзалликка эътиборли бўлгани фақат қалб учун бўлгани яхши, бойлик, мансаб, аёллар билан ортиқча муносабатлар асосий йўлдан чалғитиб қўяди.

2008

МОДДИЯТ ВА МАЪНАВИЯТ

Оила бу иккита устундан иборат тушунчадир. Яъни, моддият ва маънавият. Моддиятга асосланиб қурилган оила маънавиятсизлиги туфайли барибир бир кун завоЛ топади ва аксинча.

2008

ШАХС

Инсонни кузатишлар ва тажрибалар ўстиради. Ўқиш ва билим шахс қилиб тарбиялайди. Ният эса манзилга олиб боради.

2008

ЮТУҚЛАР

Меҳнатнинг маҳсулини кўриш, асосан икки томонга йўналади, биринчиси янаям кўпроқ меҳнат қилиш, иккинчиси эса ҳаволаниб кетиш оқибатида хаёлпарастлик ва ишёқмасликка олиб келади.

2008

ЗАМОН, ЗАМОН КИМНИНГ ЗАМОНИ...

Ёшларнинг хатти-ҳаракатлари юқори авлод учун кўпинча хатолардан иборатдай туюлади.



МОҲИЯТ

Умрнинг мазмуни фақат келажак ҳақида қайғуриш эмас, бугуннинг моҳиятини англаш ҳамдир.

2008

ЙЎҚОТМОҚ ҲАМ ТОПМОҚДИР

Инсон кўп ҳолатларда йўқотган нарсалари ҳақида ўйлайди ва қайғуради. Ақли одам учун йўқотмоқ ҳам бир сабоқ мактаб, яъни топмоқдир.

2008

АВВАЛ ЎЗИНГГА БОҚ...

Аёллар ва Эркаклар ўртасидаги муносабатларда ҳеч қачон изоҳ бериш ёки психологик аниқ ташхис қўйиш мумкинмас, чунки кузатувлар натижасида ўша маслаҳатсевар психологларимизнинг ўзлари кўп ҳолатларда ўз шахсий ҳаётларини ўзлари тўғри йўлга сола олмаганликларидадир.

2008

НОМУТАНОСИБЛИК

Имконсизлик ҳам бир имкондир, имконият ҳам бир имконсизликдир.

2008

АЁЛЛАР ОРЗУСИ

Агар ҳамма аёлларда ҳам эркакларда берилган имконият берилганида эди... дейди баъзи аёллар. Бу-ку ёмон ният эмас, энг қизиғи шундаки, унда инсониятга яшашнинг нима қизиғи бор.

2008

АФСУНГАР ДЎСТИМ

Вақт! Қанийди, бераётган мукофотларинг олаётган жаримангдан катта бўлмаганида эди, эй афсунгар дўстим. Сен энг покиза фариштасан, сен энг ваҳший жаллодсан...

2008

АЁЛЛАР ОДАТДА...

Аёллар, одатда кимнидир алдайман деб ўзларини алдаб қўядилар.

2011



Биз кутган **КУН**
Келади бир кун,
Аммо, **БУГУН**
Бўлмас ўша кун...

2008

Севиш учун улкан **ЮРАК** керак.

Севги нималигини билиш учун, албатта севиш шартми?
Ахир, ўлим нималигини билиш учун, албатта ўлиб кўриш шарт эмас-ку...
Аммо, баъзи нарсаларнинг шарпаси ўзидан ҳам кўра ваҳималироқдир...

2009

ҚЎРҚУВ...

Инсон қилган хатоларининг ёмон оқибатлари қачондир рўй бериб, юзага чиқишини билади, олдиндан сезади ҳам, кутади ҳам, ҳатто ўзини худди ҳеч нарса бўлмайдигандек ҳис қилади.

Ўша офат рўпарасидан чиққанида эса сени кутмагандим деб қарши олади ва ҳисоблашишга мажбур бўлади.

2008

СЕВГИ БУ...

Севги бу, аввал ширин сўзлар билан ўзига маҳлиё қилади-да, секин билдирмай оёқ-қўлларингни кишанлаб олади.

2011

АЁЛЛАР ҲАҚИДА

Аёллар ҳақида гапирганда, уларнинг келажаги ҳақида гапириб бўлмайди, фақат ўтган ишларига баҳо берилади.

2011



РОМАНТИК ҲАЁТ

Севгига эҳтиёжинг борми, демак романтик ҳаётга интиласан, аслида ўша ўзингни атроф муҳитингни борица романтика деб қабул қилишинг керак, бўлмаса ўзингни жуда кўп қийнаб кўясан.

2011

ҲАЁТ

Ҳаёт бу шундай денгизки, ирмоқлари қаердалигини баъзан ўзи ҳам адаштириб қўяди.

2011

МЕНИНГ ФИКРИМЧА

Менинг фикримча, "менинг фикримча" деб сўз бошлайдиган инсонлар ҳаммаданам кўра худбинроқ бўладилар, менинг фикримча, шулардан энг биринчиси бу менман.

2011

ЭРКАКЧА ҚОИДА...

Аёл киши сендан ранжидими, демак бу сенга бўлган эътиборидан. Фақат майдакашларча ўзингни ҳақлигингни исботлашга ҳаракат қилмасанг, вақти келгач, агарда ростданам сен ҳақ бўлсанг, у сенга албатта яна қайтади.

2011

НАФОСАТ

Мен шундай аёлни биламан, у ҳаммадан бахтли эканини фақат аёллигини унугмаганлигида деб билади. Уни онамдай яхши кўраман.

2011

ТАҚҚОСЛАШ

Кимдир ўзини бировга солиштира бошладими, демак нимадир камчилигим бор, деб ўйлайди.

2011

БОРИМ ШУ, НИМА ДЕЙСИЗ...

Азизим, ўзимни яхши кўрмаганимда, сени бунчалик қаттиқ севоламасдим.

2011



ВАҲШИЙЛИК...

Инсон ҳеч қачон ўзини ҳайвон ўрнида тасаввур қилолмайди, аммо бир йўла ундан баттар ишларни қилади.

2011

МУҲАББАТ

Сени севмасдан олдинги ҳаётим худди тушга ўхшайди.

2011

ҲАЁТ ҚИМОР ЭМАС

Бу ҳаётга ҳеч қачон қимор деб қарамаслик керак, унга бемор деб қараш керак, унга ёрдамга шошилиш керак.

2011

МЕН СЕНИ СЕВАМАН

Мен сени севаман, қачонки мени севганларни камида, менчалик севсанг.

2011

ФОЖИА

Мен уни жонимдан ортиқ севардим. Лекин ҳеч қачон ўзимдан устун қўймасдим, балким шу сабаб биз бирга бўлолмадик.

2011

ҚИЗЛАРНИНГ ЁН ДАФТАРИГА

Қизлар муҳаббатни кинолар ёки китоблардан кўра кўпроқ оиласидан, онасидан ўрганса, фойдалироқ бўлса керак.

2011

ТИНГЛА, БУ КЎНГИЛИНИНГ САДОСИН, ЭЙ ДЎСТ

Эркак киши ҳар доим, аёл олдида эркаклигини унутмаслиги керак. Ўрни келганида, жим туриб ҳам сўзлашни ўрганиши керак.

2011

ХУШОМАД

У гўзал эди, у бетакрор эди, унинг йўлига кимлар зор эди, кимлар интизор эди, ошиқлари қатор-қатор эди... Энг ёмони шунда эдики,



буни ўзиям биларди. Аёл кишига қанчалик кўп хушомад қилсанг,
бошингга шунча кўп дард орттирсан.

2011

АЛДАНГАН ҚИЗ

Япроқнинг устидаги томчи шабнамни кузатганмисан, у биринчи
бор севилиб, биринчи бор алданган қизнинг кўзёши.

2011

МУҲАББАТ ОСТОНАСИ...

Юрак бутун бошли заводга ўхшайди, қолган ҳамма ҳислар унга
оддий ишчиларидир, ақл ҳам, хаёл ҳам қулоқ ҳам...

Кўз эса юракка дарвозадир...

Бечора юрак кўзга ишонади, кўз эса юракни беаёв алдайд
ишончига хиёнат қилади. Севгилинг ҳаммадан гўзал дейди.

Юракнинг ёп-ёруғ осмонини зулматга айлантиради.

Ҳар доим нигоҳлардан бошлангай муҳаббат остонаси...

ОҒИР МУАММО...

Аёл кишининг меҳри, эътиборини қозониш учун узоғи бир кун
етарли, аммо ўрганиш учун бутун умр оз.

2011

ХАЗОНЛАР ҚЎШИҒИ

Хазонлар қўшиғини тинглашга ҳаракат қилганмиз, ундан
мозорлардан келадиган беаёв оҳанг келиб туради.

2011

СЕЗГИ

Аёл кишининг юзида ўзгариш сездингми, демак у сендан
ниманидир яширяпти.

2011

ХОТИНЧАЛИШ

Ҳар қандай аёлни бир кўришдаёқ баҳосини бераман деган
эркакнинг аёллардан фарқи кам бўлади.

2011 •



ЗАҲРИ ҚОТИЛ

Асаблар, одатда жаҳлинг чиққанида, миядаги кераксиз ҳамма қувватингни сўриб, ўзингга нисбатан қарши қўллайди.

2011

КЎНГИЛ ОҒРИҒИ

Кўнгилнинг оғриғи шу даражада ёмонки, у ҳамма тана аъзоларини ҳам оғрита олишга қодир куч.

2011

АЙРИЛИҚ ЖАРОҲАТИ

Эскирган кийимни кимгадир берворасан, эскирган гапларни унутасан, эски танишларни жанозасида эслаб, йўқлайсан қабрида, агар эслагинг келса...

Аmmo муҳаббатда-чи?

У вақт ўтган сари янгиланаверади...

Юрагингни ғижимлаб бир қисм тупроққа айлантирмагунча қўймайди, бу севги деганлари...

2011

МЕЗОН

Бугун ҳеч қачон тугамайди, эрта эса ҳеч қачон бошланмайди.

Бу мезонлар фақатгина инсоният ўзи ўйлаб топган ва ўзингни ўзинг алдаш учун шунчаки қонундир...

2011

ТАФАККУР

Ҳар бир инсоннинг умри бутун бошли китоб, у ўзи сезмаган ҳолда бу китобни ёзиб боради.

Ҳар бир инсоннинг умри бутун бошли бир кино, у ўзи сезмаган ҳолда ўша фильмда ўз образини ўйнайди.

Ҳар бир инсоннинг умри бутун бошли бир сурат, мусаввир қўлида умр чизгилари чизилиб бораверади.

Ҳар бир инсоннинг умри бутун бошли бир иморат, у ўша иморатни ўзида қуради ва яшайди.

Биз ўтмиш ва келажак ўртасидаги бир бўғинмиз, бир кўприкмиз, бир ўткинчи йўлмиз, шундай экан, ўтмишдаги аждодлар ишончини оқлаб, келажакка арзигулик китоб бўлайлик. энг моҳир ижрочи



актёр бўлайлик, келажак хотирасида энг ёрқин сурат бўлайлик ва ўз умр биномизни санъаткорона қурайлик...

2011

ҲАЁТ ФОРМУЛАСИ

Бизнинг хаёлларимиз дилимизда, саволларимиз тилимизда, тақдиримиз эса қўлимиздадир, бу яшашнинг энг оддий формуласи.

2011

ОТА ҚАДРИ

Мен отамнинг сўзларига авваллари тушунмасдим, тушунганларимга эса ишонмасдим... Онамга эса талпиниб, ҳар доим меҳрига муҳтожлигимни ҳис қилардим. Ўзим эркаклигимни, қачондир ота бўлишимни ҳис қилганимда эса, отамни шу қадар тез ҳис қиляпманки, ҳам уни тушунапман, ҳам унга ишонапман...

2011

ТАЪНА

Инсон нафснинг сўзига кириб хиёнат қилади, хўш унда нега ақлга таъна қилади.

2011

ЯШАШ УЧУН КУРАШ

Чумолидаям, филдаям жон бор, қон бор икковиям яшаш учун, ҳаёт учун курашади...

Ҳар бир жон, шу жумладан инсон ҳам тақдирига кўниб яшашга мажбурдир.

2011

АЛДАНИБ ҚОЛМАНГ...

Аёлларнинг кўзёши, бу пушаймондан эмас, аксинча ўзининг ҳақлигини шу йўсинда изоҳлашга уринишдир.

2011

РУҲИЙ ЧЕКСИЗЛИК

Ҳар бир буюкликка интилаётган ёш авлод ўзини тоққа қиёслайди, тоғлар жуда юксак, шу даражада юксак чўққилар борки, ҳатто



булутлардан ҳам баланд. Менга ҳам булутлардан юқорисини кўриш қизиқ.

УСТОЗ ВА ШОГИРД

Меваги дарахтлар ичида энг зўри ва серҳосили бу пайвандланган дарахтдир. Нега зўрларнинг боласи зўр бўлмайди. Чунки, ҳеч қачон пайвандланган дарахтнинг остидан пайвандланган ниҳол ўсиб чиқмаган. Ёввойи кўчат бора-бора тиканакка айланади.

Шу сабаб устоз ва шогирд тушунчаси ҳеч қачон ўлмайди.

ВИЖДОН

Дунёда энг қиммат нарса виждон. Унинг нархи ҳеч қачон тушмайди. Дунёни пул билан ўлчайдиганлар виждонларини сотиб бойишган одамлардир.

ЁШЛИК ФАСЛИ НАВБАҲОР...

Гулнинг ҳам гуллик даври бўлади, агар тўлиқ гуллаб кейин мева олса, ўша мева яхши етилади, агар шамолда ё ёмғирда қолиб кетмаса, на мева на гул бўлиб қолади.

Ёшлик ҳам шунга қиёсдир.

МЕН ШЕЪРИМНИ СОТМАГАНМАН...

Шоир учун сўзни сотиш бу Ватанни сотишдай гап.

ЎЗИМГА ТАНБЕҲ

Ҳар бир нафасни буюклардек олиб, худди буюклардек қадам ташлаш керак. Зеро, улар ҳам инсон боласи. Фақат кўр-кўроналик инсонни йўққа чиқаради.

ФИДОЙИЛИК

У аэропортда яшарди.

Кунига минглаб одамларни дунёнинг ҳар томонига жўнатиб ва шунча одамни кутиб оларди.

Ўзи ҳеч қачон бормаган бўлса-да, ўзини бир дунёдек ҳис қиларди.

Бу худди ўзи бирор марта севмай туриб, муҳаббат ҳақида бонг уриб ошиқликни даъво қилаётган шоир аҳволини эслатади.



Бутун дунёни биргина юрагига сиғдиришга ва елкасига ортишга қодир эй аэропорт ишчиси, эй телба ва оловқалб шоир! Мен дунёни сиз икковингизсиз тасаввур қила олмайман.

“ОТАРЧИЛАР”га

Эшак ҳеч қачон аҳмоқлигини тан олмайди. Ҳанграйвергани сари ҳамма унга қарайверса, боиқаларга ёқяпти деб ўйлайди.

ОРЗУЛАР ЧЕГАРАСИ

Орзулар шу қадар озод парвоз этадики, чегара қаердалигини адаштириб қўяди. Кўпинча армон уларни ҳайиқтириб қўяди.

ЧЕКИНИШ

Инсон баъзан атрофида бўлаётган воқеа-ҳодисаларни тушга айланиб қолишини истаркан, ҳаёт ташвишлари, кундалик эҳтиёжлар учун ҳам жисмонан, ҳам руҳан толиққанингда, кўз олдинда болалигинг намоён бўлади. Эҳ, қани энди ҳаммасини бошидан бошласам, дейсан.

Бу фикрга келишимда, ўйлаб қарасам, қисман муҳитнинг ҳам таъсири бор экан. Тушкун кайфиятда юрган кезларимда атрофдагиларнинг турмуш тарзи жудаям қадрли туюларди. Бу эса, ҳаёт олдида ожизлик қилаётганимда нишона беради. Кейин, ўзимча ўйлай бошлайман, менинг кимдан камим бор.

Йўлнинг ярмида карвондан ажраб қолишни иташ, бу йўлсизлик сари юз буриш эмасми?!

Бахтинг калитини топгин, азизим	3
Яқин ўтмиш	4
Ҳаёт, менга имкон бер ҳаёт	7
Йиғлайди кўнглим	8
Нега хиёнат қилдинг?!	9
Бу дунёга бегона дилман!	10
Савол	11
Йиғлайман	12
Чидолмадим	13
Мени йиғлатма, ҳаёт	14
Онамга хат	15
Согинч	15
Севаман деб айт	16
Ҳаёли бир қизни севди, бу дилим	17
Курунглр	17
Айт, азизим	18
Саволим бор	19
Эй, ҳаёт	20
Шукр	20
Васлинг умидида	21
Умидсиз севгим	22
Айт, эй ҳаёт?	23
Ўйламовдим	24
Севишни билиш керак	25
Алвидо дер	26
Ота	27
Эркак йиғламасин!	28
Охир замон	31
Келмадинг	32
Соғинсам нетай	33
Сендай гузал	34
Ваган	35
Оқил одам	35
Ёлғизликдан эзилиб кетдим	36
Сени эсласам	37
Ўзим бозор, узим харидор	37
Севмаслигинг кеч билдим	38
Сени асло кутмасман	39
Бемаъни ҳаёл	39
Ким ўйлайди бу ватанни... ..	40
Онамнинг бағрида	42
Кечиролмайман	43

Кимлардир	44
Муҳаббат нима у?	45
Севгининг қадри	46
Эҳтиёт бўлинг...	46
Юракдан нарёққа чиқмас овозим	47
Соғинч	48
Шарт эмас	49
Замонавий шиор	49
Қаерда юрибсан, муҳаббат?	50
Кечир	51
Донолар	51
Сизга ишонмайман	52
Тўхтамасин сени севишдан	53
Мени кутма, Нилуфар	54
Эссиз, муҳаббат эссиз...	55
Устознинг айтганини қил-у...	55
Айтишув (<i>қўшиқ</i>)	56
Ўшал кунни кутиб яшайман	57
Билардим, сезардим	58
Исрофгарчилик	58
Тасодифан севиб бўлмайди	59
Ўлдирса, севги ўлдирсин	60
Севиб қолишдан қўрқаман	61
Ёлвораман	62
Бойлик деб	62
Ҳеч ким	63
Қисматимни асролмадим	64
Бугун бўлдинг бегона	65
Боғбон кўпайди	65
Муҳаббатсиз бахтни бахт демас	66
Қачондир сен мени ёдга олсан	67
Ширин ёлғонингга алдадинг, севги?	68
Тангри мени севмасмикин	69
Висолингга қачон стаман...	70
Кутаман тоқайгача	71
Онажон	72
Кўнглим йиғлайди...	73
Маликам	74
Эй дилором	75
Нима истайсиз?	76
Борим эдинг сен	77
Соғинчингсиз	78
Ачинаман сенга, атиргул	79
Дунёда энг ёмон бахтсизлик	79

Алабиёт, эшиқларинг оч	79
Ичимда	80
Мен бахтлиман	80
Ижод бу	80
Ишдан чарчаб келиб	81
Билдим	81
Орзу	81
Отамнинг ўгити	82
Шеър экан деб	82
Олтин деб олганим	83
Кулишни истасанг	83
Чекиниш	83
Атрофимизда	84
Дўстларим қадримни	84
Дардинг билмаса дўстинг	84
Сотиб кетди дўстларим	85
Яхши одам ўтса дунёдан	85
Шаҳарда яшасанг	85
Тўғри қўляпманми?	86
Умр	86
Ҳақиқат	86
Тўртликлар	87
Устозлар ўгити	87
Бир кам дунё	87
Маваҳумлик	87
Ўрмон	88
Игвогар	88
Авлоди башар	88
Тарих китоб	88
Вожаб	88
Ҳавойилик	89
Қаранг-а-а-а	89
Билинг	89
Хурофот	89
Эҳтиёт қил	89
Бола эдим	90
Ғийбат	90
Ўтган асрда	90
Ғазаб	90
Масжидда	90
Отам насиҳати	91
Оталар сўзи – ақлнинг кўзи	91
Ишқ	91
Эй дўстим	91

...га	91
Эй нодон	92
Кимлардир	92
Гоҳ	92
Бахт излаб	92
Синишимни соғинганларга	92
Умр дегани бу	93
Дунёни бузма	93
Майдонла	93
Муҳаббат дардига	93
Синглимга насихат	93
Исминг айтиб	94
Рауф Парфи	94
Сиз нима дейсиз	94
Иккинчи умр	94
Қайтар дунё	94
О, севгилим	95
Мансаб	95
Қуролмайди-да	95
Ишонаверинг	95
Худбин	95
АФОРИЗМЛАР	96

Истеъодли ижодкор Аҳад Қаюм 1987 йил 15 июнда Бухоро вилояти Шофиркон тумани Денов қишлоғида таваллуд топган. 2004–2008 йилларда Тошкент Давлат ахборот технологиялари университетида таҳсил олди. Шу билан бир вақтда "Муҳаммад Юсуф" номидаги адабий-ижтимоий фонд қошидаги "Олтин қалам" газетасида муҳаррир ўринбосари вазифасида ишлаб, бадиий ижод билан шуғулланди. Ҳозирги кунда Аҳад Қаюмнинг бир қатор шеърлари таниқли хонандалар томонидан куйлаб келинмоқда. Аҳад Қаюм "Шу Ватан" кўшиғи учун Ўзбекистон Республикаси Қуролли Кучларининг махсус сертификати билан тақдирланган. У "Жийда гули" телесерияли учун ёзилган махсус шеърлар ва кўшиқларнинг, шунингдек 2010 йилдаги темирўлчилар мадҳиясининг ҳам муаллифидир. "Яна соғиндим, яна" кўшиғи 2010 йилда "Йилнинг энг хит таронаси" деб эътироф этилди.

Аҳад Қаюм бугунги кунда Озодбек Назарбеков, Зулайҳо Бойхонова, Ботир Қодиров, Хуршид Расулов, Фуломжон Ёқубов, Шерали Жўраев, Шоҳжаҳон Жўраев, Зоҳиршоҳ Жўраев, Юлдуз Турдиева, Нодир Умаров, Ғиёс Бойтоев, Дилшод Раҳмонов, Дилдора Ниёзова, Анвар Фаниев, Анвар Санаев, Анвар Собиров, Абдуҳошим Исмоилов, Мусахон Нурматов, Мансурхон Нурматов, Нодир Арақулов, Абдурашид Йўлдошев, Абдували Ражабов, "Сарбон" гуруҳи, Шухрат Қаюмов, Ўлмас Оллоберганов, Сойиб Ниёзов, Сардор Раҳимхон, Алишер Файз, Анор Назаров, Дилором Омонуллаева, Сарвара, Ойбек Ҳамроқулов, Отабек Раҳим, Баҳром Назаров, Жасур Умиров, Жалил Мавлонов, Акбар Атамўхаммедов, Абзалбек Ҳусанов, Элдорбек, Мурод Манзур, Раҳматулла Раупов, Юнусбек Юсуф, Фазлиддин Раҳмон, Равшан Комилов, Фаррух Комилов, Фарҳод Файз, Наргис, Афсона, Шоҳруҳхон, Жамшид Абдуазимов, Зиёда, Сирожиддин, Рухшона, Далер, Манзура, Даврон Эргашев, Самандар Ҳамроқулов, Райҳон, Шаҳнозабону, Хумоюнмирзо, Дилмурод Мусаев, Азиз Бекмуродов, Алишер Узоқов, Ёдгор Мирзажонов, Дилсўз, Робия, Шаҳзода, "Уммон" гуруҳи, "Божалар" гуруҳи, Ўқтам Мирзо, Муроджон Сойибназаров, Шароф Муқимов, Жамшид Ниёзов, Зилола, Ойбек Тўхтаев, Феруза Асадова, Зуфарбек Бобоқулов, Алижон Исоқов, Иброҳим Расулов, Саид Мухтор, Санжар Шодиев, Шухрат Мав-

лонов, Санжар Сайфуддинов, Умид Эргашев каби таниқли санъаткорлар билан актёрлик ва кўшиқчиликда доимий ижодий ҳамкорлик қилиб келмоқда. У "Ҳаёт жилғалари"да Дамин, "Жийда гули" телесериалларида Аҳад Қаюм, "Девона фаришта"да куёв, "Оқпадар" фильмларида Ёдгор образларини яратди. Шоир "Беғубор орзуларим", "Девона фаришта," "Умид", "Сабоқ", "Дада", "Сароб", "Танго ёхуд адашган совчилар", "Пойқадам" "Фармацевт", "Қора илон", "Осий банда", "Севги фариштаси", "Ёлғизгинам", "Оқпадар", "Марям", "Куча" номли фильмлар учун ёзилган махсус кўшиқ-саундтреклар матни муаллифи ҳамдир.

2010 йилдан бошлаб у адабиёт ва санъатга ихлосманд ёшларни қуллаб-қувватлаш мақсадида ташкил этилган "АҲАД ҚАЮМ" продюссерлик марказига раҳбарлик қилмоқда.

Шоир ижодий фаолиятининг янги қирраларини янада кўпроқ намоён этиш мақсадида бугунги кунда кўплаб дизайнерлик ва маънолик клип лойиҳалари устида ҳам тинимсиз изланишлар олиб бормоқда.

Биз серқирра ижодкор, ёшларнинг севимли шоири, санъатнинг беғубор осмонида ёрқин юлдуз каби порлаётган Аҳад Қаюмга улкан ижодий парвозлар тилаб қоламиз!

Аҳад Қаюмнинг қатор шеърлари таниқли кўшиқчилар томонидан куйлаб келинмоқда. У бугун тинмай ижод қилаётган оволи уйғоқ, фикри тиниқ шоирдир.

2010–2013 йилларда ёш ижодкорнинг:

1. "Яна соғиндим, яна" – (2010).

2. "Синишимни соғинди кимлар" – (2011).

3. "Йиғлама, ўзимнинг фариштагинам" – (2011).

4. "Бегим деманг, бегойим" – (2012).

5. "Сўнги кўнғироқ" – (2012).

6. "Ёлғизман" – (2012).

7. "Отамга ўхша, ўғлим!" – (2013).

8. "Вақт" (ёхуд шовқинлар исканжасида) – (2013).

9. "Алданган қиз" – (2013).

10. "Севгидан кечмайдилар" – (2013).

11. "Қизми бу, кийикми бу?!" – (2013) номли тўғламлари нашрдан чиққан.

ИЖОДИЙ ЖАМОА

Аҳад ҚАҲОМ

МЕНИ ЙИҒЛАТМА, ҲАЁТ!

(шеър ва афоризмлар тўплами)

Масъул муҳар.: Шукур Жаббор
Муҳаррирлар: Салима Бадалбоева
Гулчехра Муҳаммаджон
Тех. муҳар: Наргиза Содиқова
Дизайнер: Нодир Шарипов
Оператор: Нигора Муҳитдинова

Теришга берилди 23.05.2013. Босишга рухсат этилди
05.08.2013. Қоғоз бичими 60x84 1/16. Virtec Times UZ
гарнитураси. Шартли босма табағи 7,0. Нашр босма
табағи 7,0. Адади 10 000 нусха. Буюртма №37.

Нашриёт лицензияси: АИ №183. 08.12.10.

*«Dizayn-Press» МЧЖ нашриёти босмахонасида чоп этилди.
100100. Тошкент шаҳри, Бобур кўчаси, 22 уй.*